

GRATIS

AWE
Mainta
e corant di Toko

Mal propaganda pa Aruba;

DOPV mester haci algo pa cu e problema nan aki

DIARANSON mainta a drenta informe di problema na entrada di waf entre e tour operatornan, a dirigi polis na e sitio. Na yegada a bin compronde cu aki ta trata di un doño di compania di tour cu no ta gusta otro tour operatornan y a cuminsa zundra y te hasta yega na e extremo di menasa. Polis a bay atende cu e homber aki y a pone na su lugar. E problema dilanti waf ta un mal propaganda pa Aruba, mahos bista pa turista.



BBQ COOK-OFF

March 3rd at
WEMA
San Nicolas
from 7am to 5pm

www.wemaaruba.com
facebook.com/wemaaruba

Mientras delebracionnan ta andando, Valero ta keda den operacion

segun Minister di Energia Mike de Meza



“GOBIERNO ta haci tur locual ta posibel pa por yega na un solucion p’e refinaria di Aruba”, na palabra Minister Mike de Meza. Durante un conferencia di prensa na cuminsamento di siman Mike de Meza a splica cu e situacion tenso cu tin riba e

mercado internacional pa loke ta prijs di crudo sigur tin su efectonan negativo pa Aruba. Asina e prijs di awa y coriente ta bay bira un punto di discusion mirando cu WEB tambe ta depende di e fuel-oil cu ta aumentando dramaticamente. Un otro area cu ta wordo afecta ta transporte publico y transporte en general.

“E situacion na mundo ta uno tenso y nos aki ta tratando e situacion cu a surgi cu masha deligencia. Nos ta na mesa cu diferente actor regional, pasobra e solucion p’e situacion na Aruba mester wordo busca den e region mes.

“Mi kier a bisa un bes mas cu e reunionnan di siman pasa tabata hopi positivo, pero mi kier ta hopi cla cu te ainda no a yega na ningun solucion. Mi por bisa si cu cosnan ta muestra bon. Tin acuerdonan traha cu e siman aki Valero ta bay manda

varios informacion mas detaya pa Ecopetrol y pa tur esnan cu a participa den e cumbre riba gas y petroleo y naturalmente pa Gobierno tambe”, asina Minister Mike de Meza a bisa. E informacionnan aki ta wordo usa den un siguiente cumbre cu pronto ta tuma lugar na Colombia.

Minister de Meza a splica cu mientras cu e discusion y deliberacionnan ta andando, e refinaria ta keda den operacion. Esaki ta un punto positivo, aunke cu e no ta operando riba su maximo. Mike de Meza a duna di conoce cu Valero como Gobierno ta haciendo tur loke por di nan banda. Valero ta den busca di crudo den region cu ta haci nan perde menos placa, pasobra gana nan no ta ganando awor aki.

Manera publica pa nos caba, e bishita den e refinaria dor di Ecopetrol, Minister de Meza a

bisa cu e compania Colombiano a haya esaki masha positivo.

“Nan conclusion riba e refinaria dor loke nan a mira y pa loke t’e team cu nan a papia cune, tabata uno di hopi bon impresion. Nan a tuma nota tambe cu e refinaria ta den un condicion mucho mas mihor di loke nan mes a kere. Tin plantanan cu nan no tabata sa cu tabatin na Aruba. Nan tabata bou di e impresion cu e plantanan di awe lo tabata e mesun nan di añanan 90”, asina de Meza a comenta. Pero tin plantanan nobo manera e dos delay cokernan, esun di asufre y varios otro mas. Nan tabata impresiona pa mira e capacidad y bon condicion di e refinaria. Den un solo palabra, e tabata sumamente positivo. E tabata un bishita cu sigur a contribui n’e analisis cu nan ta bay bin cu ne na mesa den un siguiente cumbre.

Na Aruba ta compara cu otro pais, no conoce alfabetismo

Studiantenan femenino ta mihor studia cu esnan masculino

E hende muher ta logra nan diploma, mientras e hende homber no ta logra

“WORLD Economic Forum” a introduci e “Global Gender Gap Index” na 2006 cu ta fungi como un cuadro pa capta e magnitud di diferencianan basa riba gender y pa capta nan progreso.

Oficina Central di Estadistica tambe ta dirigi su atencion riba e topico internacional aki pa medio di data colecta for di e di 5 Censo di poblacion y vivienda cu a ser teni na october 2010. E termino “gender” ta referi na tanto hende muher como hende homber y con nan relata na otro. Pues igualdad di gender ta referi n’e nivel di desaroyo social humano caminda derecho, responsabilidad, oportunidad di e ser humano no ta limita dor di nan sexo.

E “Global Gender Gap Index” ta examina e gap entre hende homber y muher den diferente categoria fundamental: Educacion, salud, sobrevivencia,

participacion economico, oportunidad economico y poder politico.

EDUCACION

Aruba ta score hopi halto pa loke ta poco alfabetismo cerca adulto. E ratio ta ser calcula for di un porcion di e poblacion di adulto di edad 15 aña p’ariba. E ratio di alfabetismo basa riba gender ta casi igual pa tanto e hende homber como e hende muher. Tur dos sexo ta capacita pa lesa y scirbi p.e. un carta.

E porcentahe pa ambos sexo den e poblacion ta 97% den e categorianan di edad te cu 74 aña. E porcentahe di hende di edad di 85 aña p’ariba cu por lesa y scirbi ta mas abou. Via di un grafico a ilustra un diferencia den e “gap” den tur e categorianan di edad, unda ta bira cla cu den e categoria di edad mas halto, e gender gap ta mas grandi.

Pa loke ta trata e cantidad di studiantenan entre e edad di 6 y 11 aña cu ta inscribi den e nivel di enseñansa primario, 99% di e poblacion di mucha muher y mucha homber ta inscribi. E nivel primario ta consisti di enseñansa basico y enseñansa special.

Den e nivel secundario e porcentahenan ta reduci te 85.8% pa hobennan femenino y 85.2% p’e hobennan masculino entre e edad di 12 y 16 aña.

E nivel secundario ta consisti di mayoria studiantedi e scolnan: EPB, MAVO, HAVO y VWO.

E ultimo aspecto cu ta importante ora calcula e gender gap pa educacion t’e cantidad di alumno inscribi den e nivel terciario, sin importa e edad di e hoben.

Aki ta inclui studiantenan di EPI, y educacion superior avansa manera, Bachelor, Master

of PhD.

Den e categoria aki e hende muher tin un porcentahe di 56.7% di e poblacion femenino total cu ta atende e nivel aki, mientras cu e hende homber tin 47.1%. Si mester aclarea cu e porcentahe aki ta basa riba e grupo di edad, esta 17 pa 21 aña, stipula teoreticamente.

Otro aspectonan interesante pa analisa t’e diploma mas halto obteni relata na sexo. Por mira e diferente nivelnan di estudio y con cada sexo ta score den dje. E diferencianan cu ta sobresali ta 21% di e poblacion masculino cu no ta atende enseñansa (mas) tin un diploma di nivel profesional basico (LBO), mientras 11% di hende muher a obtene e diploma den e mesun nivel di estudio. Tambe tin un diferencia riba e nivel enseñansa secundario intermedio (MAVO) caminda 11% di e sexo

masculino a obtene e diploma versus 16% di e sexo femenino. Tambe e siguiente categorianan, HAVO y VWO por mira cu e porcentahe di estudiante cu ta termina HAVO y VWO ta abou, esaki por ta dor cu e grupo aki hopi biaha ta sigui studia despues y solamente un grupo chikito ta subi e mercado laboral y no ta termina un estudio mas halto. Pues e grafico ta ilustra e diploma mas halto. Riba e nivelnan di estudio avansa intermedio (MBO), estudio avansa halto (HBO) y estudio academico e diferencia di porcentahe entre e sexo ta minimo.

AWEMainta****
e corant di dia

Nos e-mail:

noticia@awemainta.com

Tel: 583-1400

Fax: 583-1444

Mike de Meza a desmenti cu

Presidente Chavez a pone condicion pa un eventual participacion di PDVSA den Valero

Te ainda a keda pendiente un reunion na Miraflores



NINGUN momento Gobierno Venezolano a pone condicion pa un eventual participacion den Valero, manera e.o. cu Aruba mester forma parti di Petro Caribe y/of ALBA. Asina Minister Mike de Meza a duna di conoce.

Si t'asina cu Presidente Hugo Chavez, den su breve encuentro cu Prome Minister Mike Eman na Nicaragua, durante instalacion di Presidente Daniel Ortega, a puntra si Aruba no a evalua un posibel participacion den Petro Caribe y/of ALBA.

Hecho ta cu tin pendiente un encuentro di Gobierno di Aruba, cu Presidente Hugo Chavez na Venezuela mes, mescos cu tabata e caso cu Presidente di Colombia, Juan Manuel Santos, pero tin dos factor cu a haci un

poco dificil pa dicho encuentro. Un ta salud di Presidente Chavez, pa cual Aruba tin comprension p'esey. E otro factor ta, cu e aña aki ta aña di eleccion na Venezuela.

Hecho ta cu PDVSA ta keda riba lista di prioridad di Aruba, como posibel partner pa Valero. E tin beneficio pa Aruba, pero tambe pa Venezuela, segun Minister Mike de Meza.

Pa loke ta PetroBras, cu no a bin e cumbre di diabierna ultimo, ta debi cu celebracion di Carnaval, na Brazil a dura algun dia y tabata dificil pa haya tur hende pa bin Aruba. Pero PetroBras lo bin den proximo dianan of lo por forma parti n'e dos cumbre cu lo tuma lugar proximamente na Bogota, Colombia.

CONSEHERONAN

Por a tuma nota presencia den e ultimo cumbre, presencia di Javier Hernandez, kende tabata Director General di refineria PDVSA na Corsou, loke a causa e impresion cu PDVSA a asign'e pa tende kico ta tumando lugar. Pero Minister Mike de Meza a confirma cu Javier Hernandez ta un consehero pa Aruba, pa su conocimiento amplio di mundo di refineria y petrolera. El a traha basta aña cu Shell y 16 aña cu PDVSA, maske cu awe e ta Director di Hospital na Corsou. Pero a base di su conocimiento amplio, Javier Hernandez ta como consehero pa Aruba. Sin mucho publicidad, Aruba tin tambe como consehero, Alvin Koolman, maske cu e no tabata presente n'e cumbre, debi cu e tin otro interes pa defende.

Debi cu Minister Mike de Meza ta sufri quebrante di salud

Reunion di Parlamento a keda posponi te cu diamars otro siman

AYERA mainta, e reunion di Parlamento, tratando presupuesto 2012 mester a sigui, unda Minister di Finanza, Utilidad y Energia, Mike de Meza mester a bin contesta e preguntanan cu a keda lansa na su direccion den prome tanda. Tabata for di dialuna ultimo caba, e mandatario tabata muestra malo y ayera e malesa a bent'e na cama. Como tal el a informa Presidente di Parlamento, cu e no por ta den Staten pa contesta e preguntanan haci. Esaki probablemente lo nifica tambe, cu Minister Mike de Meza lo no por forma parti di e delegacion di Gobierno y ATIA cu ta sali e fin di siman aki den un Mision Comercial pa Brazil, pa despues sigui eventualmente pa Colombia.

Extraoficialmente, nos tin informacion cu Prome Minister Mike

Eman lo encabesa e delegacion aki, cu ta consisti tambe di Minister di Economia, Michelle Hooyboer-Winklaar y Minister di Turismo, Otmar Oduber, kendenan lo biaha hunto cu un delegacion di comerciantenan local.

Bolbiendo riba e reunion di Parlamento, Paul Croes, Presidente di Parlamento a informa cu e reunionnan a keda posponi te cu diamars otro siman. Inmediatamente despues cu e Ministernan contesta e preguntanan, inmediatamente su tras lo duna apertura na di dos tanda di tratamiento di presupuesto 2012.

Mientrastanto, e reunion di diferente comision di Parlamento a sigui den oranan di ayera mainta, y lo sigui asina e siman aki.

Segun Parlamentario Arondino Croes :

Prome Ministro Mike Eman malgastando placa di pueblo, leading by example

SEGUN Parlamentario Arondino Croes cu durante e presupuesto di Minister di Asuntonan General Mike Eman por a nota un aumento substancial den su seccion. Ta inaceptabel segun Parlamentario Croes cu nos Prome Ministro di Pais Aruba cu mester ta un modelo ehemplar ta presenta un aumento di alrededor di 30% den menos di dos aña den su presupuesto pa aña 2012.

Nos Prome Minister Sr. Mike Eman a aumenta su presupuesto di 71 milyon pa 91 milyon cu ta representa un subida di 20 milyon. E pregunta cu Parlamentario Croes ta haci na Sr. Mike Eman ta con ta posibel cu gobierno tin un deficit estima di 265 milyon

pa aña 2012 y en bes di duna ehempel pa bisa ban corta gasto ta haci net lo contrario y ta gasta mas placa di pueblo. Den e programa di AVP cu a wordo uza pa campaña a priminti cu lo stop tur gasto cu no ta absolutamente necesario. Nan a priminti cu lo baha gastonan di operacion di gobierno mes ora. Al final tur cos a keda na e palabra priminti. Si Sr. Mike Eman Prome Minister mes ta duna un mal ehempel na su otro Ministernan colega di su presupuesto di su seccion core-spondiente ta unda e pais aki lo bay termina. A priminti pueblo di Aruba cu lo baha su gastonan cu 75 milyon pa aña y tur esakinan a keda na solamente palabra y promesanan

sin accion.

Pa colmo nos ta haya e sorpresa desagradabel cu e mesun Minister Presidente aki Sr. Mike Eman ta aumenta e suma di su coordinadornan di su despacho den dos aña di tempo di 1.3 milyon pa 5.7 milyon. Unda nos Pais ta bay cu e coordinadornan di e Ministernan nan presupuesto ta subi drasticamente di 10 milyon pa 20 milyon den dos aña di tempo. Parlamentario Arondino Croes ta convenci cu e Gabinete Eman lo mester pensa seriamente den retira di e Gobierno aki pa motibo cu tur e promesanan haci durante campaña no ta wordo cumpli cune y a en gaña nos pueblo cu lo baha gastonan di Gobierno.

Puntonan di acento di partido AVP pa finanza publico:

Sigui cu maneho di recuperacion economico y social, pero mantene cuadro financiero responsabel

DURANTE di tratamento di presupuesto 2012, fraccion di AVP a pone atencion na cada Ministerio y a presenta e punto di bista y haci pregunta. Aki ta sigui e acentonnan cu fraccion di AVP a presenta den tratamento di presupuesto 2012 p'e tereno di finanza publico.

CUADRO FINANCIERO

Te awor Gobierno a keda den e margen di e cuadro financiero p'e periodo di gobernacion aki, manera a palabra cu Parlamento, Standard & Poors, Fitch y otro institutonnan cu ta midi e estabilidad financiero di Aruba. Pero esaki ta bira mas y mas dificil mientras cu tin riesgonan financiero cu ta pisa riba finanza publico y cu por causa cu no lo por keda den e cuadro aki. Algun di e riesgonan aki ta deficit ainda mucho grandi y e debe nacional grandi, e costonan adicional di e pensioen di APFA y e costonan halto di e aparato di Gobierno.

A muestra cu mester keda dentro di e normanan di finanza publico sano pa no causa instabilidad. Mihor ainda ta pa sigui reduci e deficit riba presupuesto manera a haci e dos añanan cu a pasa.

RECUPERACION ECONOMICO

Na mesun momento mester sigui cu e maneho di recuperacion economico pa sigui genera mas trabou y entrada pa ciudadanonan y pa nos pais. E maneho economico ta bayendo bon.

E crecimiento economico ta halto pa cualkier pais den un mundo rondona cu crisisnan financiero, economico, di debe y problemanan social cu ta forma un peliger constante pa recuperacion. Sinembargo, mey-mey di e crisis mundial aki, Aruba a y ta logra un crecimiento y creacion di trabou excepcional. E fraccion ta sostene pa sigui cu e maneho aki y di inversionnan den crea trabou.

RECUPERACION SOCIAL

E maneho di Gobierno di AVP ta obviamente uno cu ta pa proteha y sostene esnan mas vulnerabel den nos comunidad den e temponan dificil aki, mientras ta yuda tur sector pa desaroya nos economia y crea cupo di trabou.

Gobierno a scoge pa stimula nos economia y laga crecimiento economico saca nos for di e crisis financiero, economico y social.

E alternativa ta loke nos a wak den pasado y den otro paisnan.

Esta di tuma medida pa cubri



gastonan di Gobierno, corta severamente den servicionan di Gobierno y posibelmente causa desempleo, reduci beneficacionan.

Tanten cu e crecimiento economico sigui, por sigui cu e maneho aki. Gobierno no a corta den beneficiacion di pueblo. Si a reorganisa cierto servicio cu a bira casi impagabel y cu a bira un peso mucho grandi pa nos comunidad sigui carga. Esaki tabata p.e. cu e pensioen di empleadonan publico. Pero

a haci esaki den un forma cu e pensioen awor y den futuro lo keda segura.

Si no a haci esaki e pensioen lo a bira impagabel, pensionadonan lo a core e riesgo di keda sin entrada y causa pobreza grandi. E proceso aki no a caba ainda. E fraccion ta sostene cu Gobierno ta haciendo hopi inversion den infraestructura y esaki mester sigui. Pasobra esakinan ta mehora e infraestructura di Aruba, e caya, e barionan, e edificionan y e centronan di nos

ciudadnan, pero na mesun momento e proyectonan aki ta crea trabou den construccion y den otro areanan relata n'esakinan.

Fraccion di AVP lo sigui vigila cu Gobierno ta keda den e cuadro financiero, no core riesgonan financiero, pero si sigui cu e maneho di recuperacion economico, financiero y social, cu ta crea trabou y entrada, mientras poco poco ta saca Aruba for di e crisis actual cu mundo ta aden.

Minister Michelle Hooyboer-Winklaar den Nos Mainta cu Belkis Moreau

Promoviendo evento special riba “Dia Di Hende Muhe”

DAHUEBS mainta lo tin e repeticion di e programa “Nos Mainta” di diaranson na TeleAruba den cual Minister di Asuntonan Social, Michelle Hooyboer-Winklaar a hiba un combersacion hopi ameno cu e presentando Belkis Moreau. E topiconan principal tabata e bida di hende muhe na Aruba en general y e conferencia interesante cu lo wordo presenta riba Dia di Hende Muhe, dia 8 di maart, pa Ministerio di Asuntonan Economico, Asuntonan

Social y Cultura.

Minister Hooyboer-Winklaar a comparti cu Belkis cu e caracteristica mas importante di hende muhe na Aruba ta “resilience”, pues cu e hende muhe Arubiano ta fuerte, flexibel y determina y tin e habilidad di cambia y adapta na situacionnan pa sigui bay dilanti.

E mandatario entre otro tambe a nota cu hende muhe ta hopi habil pa cuminsa y maneha negoshi y toch ta lamentabel cu

cifranan di Camara di Comercio ta muestra cu solamente 30% di negoshinan na Aruba ta registra riba nomber di hende muhe. E minister a menciona varios otro dato interesante durante e combersacion cu a bay den un ambiente hopi placentero, tipico di e programa Nos Mainta. Pues sintonisa TeleAruba y Nos Mainta diahuebs mainta pa e entrevista aki y haya sa mas tocante e evento di Dia di Hende Muhe cu lo tuma luga di 8 di maart na Aruba.



Ta spera e motor nobo na maart

Motor nobo recip fase III no ta trece gasto inespera pa WEB

MOTOR #9 den central nobo di RECIP na WEB Aruba N.V. cual a dañá na november ultimo, lo keda reemplasa pa fabricante Wärtsilä. Esaki a resulta di un investigacion tipo "Root Cause Failure Analysis", haci pa WEB hunto cu un facilitado externo y expertonan di e fabricante. Reemplaso di e motor ta cay bou garantia di Wärtsilä. E motor nobo ta procedente for di Italia y lo yega Aruba den e di dos siman di maart.

Mientrastanto e team di WEB, hunto cu contratistanan ta haci

preparacion pa saca e motor cu a dañá for di e Recip central y haci e caminda liber pa ricibi e motor nobo.

Ta papiando aki di motornan colossal cu no por move y reemplasa den un rato di ora. Pa por haci e trabounan aki no ta necesario pa para e proceso di generacion di coriente, pues lo no tin consecuencia den e sentido aki.

For di e investigacion a sali na cla cu ta trata di un defecto di fabricacion di e motor, cual no por a premira. Ta asina cu

ta traha e tipo di motornan aki segun demanda. Aunke cu ta test e motornan profunda-

mente prome cu aproba nan instalacion, semper ta keda un posibilidad minusculo di fayo.

Como parti di su maneho, WEB ta tuma tur tipo di precaucion pa su empleadonan.



AWEMainta****
e corant di Toko

Tel: 583-1400 Fax: 583-1444

Bo tin un debe di belasting bieu?



E ora te cu 31 di december 2012, bo por bin na remarca pa un areglo di pago flexibel. E areglo di pago aki ta conta pa tur cobranza cu tin un fecha te cu 31 di december 2011 y ta valido pa persona priva, comerciante y empresa.

E beneficianan di e areglo di pago flexibel aki:

- **Bo ta haya mas tempo pa paga bo debe di belasting bek.**
Ta depende con grandi e debe di belasting ta y con e situacion financiero ta, un persona priva por haya un areglo di pago te maximo 48 luna. Pa comerciante y empresa e ta maximo 60 luna.
- **Den cierto caso, hasta bo por baha bo debe di belasting**
door cu bo no tin mester di paga boet y interes mas.

Pa mas informacion bo por yama na telefon 522-7423 of consulta e notanan informativo. Esakinan ta obtenibel na recepcion, servicio pa cliente y via www.siad.aw.



Servicio di Impuesto
SIAD

Minister Dr. Richard Visser a bishita Filomena College y Rosa College

Maletin di Tesoro yena di informacion di nos pasado

“E maletin aki tapa conta Boso di nos pasado, pero na mes momento pa prepara Boso pa e siguiente 25 añanan nos dilanti”, asina Minister Dr. Richard Visser di Salubridad Publico y Deporte a bisa na e alumnonan

di tanto Filomena College y di Rosa College. E mandatario a entrega e maletin di tesoro na alumnonan di ambos scol durante un ceremonia oficial. E maletin di tesoro tin varios material cu ta conta nos his-

toria, por medio di literatura, diccionario, material di les y hasta weganan traha dor di studiantenan di IPA. Di e forma aki e alumnonan ta cera conoci cu nos historia, por medio di un wega.

Cada scol ta ricibi un tas y lo pasa cu e tas di klas pa klas pa asina educa tur e alumnonan riba e historia di nos pais. Minister Dr. Richard Visser a wordo masha bon ricibi na ambos scol, dor di alumnonan masha entusiasma pa cu e celebracion cu ta tumando luga rond di 25 aña di nos Status Aparte.



Fraccion MEP; Inflacion den 2011 tabata 4.4%

Otro promesa falso di Gabinete Mike Eman

SEGUN relato anual di Banco Central, e cifra di inflacion pa 2011 ta 4.4%, pues un aumenta barbaro den ultimo lunanan.

Na aña 2009 Aruba tabata conoce un deflacion, esta un rebaho di prijs, di 2.1%.

E prome aña di gabinete Mike Eman pa 2010 e inflacion a redobla, pasobra e deflacion di 2.1% nan a converti e den un inflacion di 2.1%, un aumento di 4.2. Pa 2011 e inflacion a sigui aumenta y awor a yega na 4.4%.

Pueblo ta puntra su mes, acaso no ta e gobierno aki a priminti di lo baha inflacion y lo baha costo di bida? Acaso no ta esaki ta un di e motibonan cu a pone hopi hende pone nan confiansa den partido AVP?

Awel awor e berdad ta bolbe sali na cla. AVP no a ni purba baha e inflacion, sino a aumenta drasticamente. Berdad ta cu no ta tur cos nan por a influencia, pasobra prijs di produccion ta wordo determina riba mercado internacional. Pero esey nan tabata sa tambe PROME cu nan a haci e promesa di lo baha inflacion y lo baha costo di bida. Y

toch nan a haci e promesa falso ey, pasobra nan tabata sa cu nan lo no POR cumpli.

Awor si sikiera nan a purba, ta otro cuenta. Pero e gobierno aki deliberadamente NO a haci nada pa baha e inflacion. Pasobra na momento cu e reduccion di e BBO, nan por a percura pa nos pueblo sinti e rebaho den nan cartera. Pero nan a bisa claramente cu e rebaho di BBO ta pa e comerciante hinke den su saco! AVP no tabata kier pa pueblo sinti e alivio.


En bes di baha gasto di WEB y Elmar, y asina baha e prijs di awa y coriente y inflacion un

poco, gabinete Mike Eman a nombra activista y campanado di AVP den Elmar cu salarionan di riba 10 mil florin pa luna. Gabinete Mike Eman a pone Elmar paga pa periodista biaha cu e ministernan pa saca potret, Claro cu asina prijs di awa y coriente NO por baha?!?

Aparte di a mas cu redobla nos deficit financiero, nos debe nacional, baha nos divisas, awor por mira otro logro di e gobierno aki: inflacion a aumenta. E gobierno di Mike Eman un biaha mas ta wordo desenmascara, pa ta un gobierno manipulado, y un gobierno cu no tin interes di pueblo na pecho.

AUMENTO DI INFLACION

	2009	2010	2011	AUMENTO 2009-2011
%	-/- 2.1	2.1	4.4	6.5



Dog Wash
Cuminsando di
AWG. 30,=
BO SA CU
GARAPATA
POR PARALISA
BO CACHO

10N1 dog care service
Nos ta spuit den BO CURA y banja BO CACHO

Garapata ta duna: CANINE EHRICLIOSIS

Tel: 566-7183

nos tey pa sirbibo di Dialuna pa Diasabra
di 8:00 am - 6:00 pm



HITESS N.V.
Arendstraat 124
Tel : +297 - 588-5966
Fax : +297 - 588-5895
Email : info@hitess.com

Special pa dia di Himno i Bandera

120V

DEIMOS Kit

- 1 BFT DEIMOS motor
- 2 Remote Control
- 1 Photocell
- 1 Blinker cu Antenna
- 4 Plastic rack di 1m



AFI.

1200.00



Horarios: Dialuna-Dlabierna 8:00 am - 5:30 pm
Diasabra : 8:00 am - 12:00 pm

Jama nos na 588-5966

For Sliding Gates

Parlamentario sra. Lorna C. Jansen-Varlack

70 Minut p'e debatenan pa trata presupuesto ta mas cu suficiente

HOPI critica tabatin pa cu e cantidad di minut pa papia durante e prome tanda di tratamiento di presupuesto 2012. Durante un Seniorenen Convent,

unda lider di MEP y e Parlamentario independiente liga na MEP no tabata presente, a wordo dicidi cu lo mantene e orario pa debati na 70 minut pa

cu e prome tanda y 35 minut pa cu e di dos tanda.

"Bo no por keda sin asisti na un Seniorenen Convent pa despues

reclama cu e cantidad di minut mester ta mas. Lider di un partido of un Parlamentario independiente tin e responsabilidad pa participa activamente



na reunionnan di Seniorenen Convent unda decisionnan importante ta wordo tuma", segun e Parlamentario di AVP, Lorna Jansen-Varlack.

Hopi tempo balioso a bay na punto di ordo pa discuti riba e punto aki.

Participacion activo n'e reunionnan di presupuesto tabata minimal, a warda e minutnan p'e reunion di Ministerio di Asunto General di Minister President Mike Eman. Nan a haci diferente intento pa baha riba Minister Presidente su maneho y e responsabilidad cu su persona ta carga pa su Gabinete, intentonan hopi swak cu no a resulta na nada.

Minutnan cu a wordo uza pa saca veneno pa despues purba sconde nan actitud negativo tras di e frase: Pueblo kier haya sa.

Di acuerdo cu Jansen-Varlack, e proposicion di sr. Andin Bikker tabata bon y n'e manera aki Parlamentarionan cu ta traha cu seriedad a prepara p'e reunionnan aki hopi mas conciente pa loke t'e contenido di e disertacionnan.

Ban spera cu e di dos tanda sigui eficientemente y cu tur hende lo tene cuenta cu e aspecto aki.



Ministry of Economic Affairs,
Social Affairs and Culture

ARUBA INTERNATIONAL WOMEN'S DAY MARCH 8TH, 2012

ENTRANCE: FREE

Location: Renaissance Convention Center

Time: 8.30 am - 4.30 pm followed by Cocktail Reception

Keynote speakers:



The Minister of Economic Affairs Michelle Hooyboer-Winklaar

Minister Hooyboer-Winklaar explores the current condition of women and girls on the island and what elements are critical to secure the best life for each of us.



Natalie Hughes - Singer and Songwriter

Natalie Hughes, a prolific songwriter and riveting performer, is widely considered a gifted musical interpreter of the human experience, expressing passion, humor, heartbreak, healing and freedom to a depth that few songwriters reach.



Emily de Jongh-Elhage - Politician

Emily de Jongh-Elhage is a member of the Council of Women World Leaders, an International network of current and former women presidents and prime ministers whose mission is to mobilize the highest-level women leaders globally for collective action on issues of critical importance to women and equitable development.



Jean Houston - Philosopher and Researcher

Dr. Jean Houston, scholar, philosopher and researcher in human capacities, is one of the foremost visionary thinkers and doers of our time, one of the principal founders of the Human Potential Movement.



Crystal Andrus - TV and Radio personality

Crystal Andrus is a leader in the field of self-discovery and personal transformation. She has coached women from all walks of life including A-List Celebrities to Scientists, Medical Doctors, and Stay-at-Home Moms!



Beth Brooke - Global Vice-Chair Ernst & Young

Beth is passionate about using her leadership position as one of the highest-ranking officials at Ernst & Young to make a difference in the world. She strongly believes that corporate leadership in the 21st century is not only about creating profit, it's also about making a difference.



Patricia Reinders - CEO Sula NYC

Patricia Reinders, a woman whose passion for travel gave rise to a beauty company that combines centuries of old beauty traditions within the secrets of Morocco with an ultra-luxe contemporary lifestyle.

Connecting girls, inspiring futures



For reservations: 528-4972

www.womensdayav.com

AWEMainta
noticia@awemainta.com
Tel: 583-1400
Fax: 583-1444



Ministerio di Cultura ta duna apoyo na Miss Aruba World 2012 Srta. Lucianette Verhoeks

MIRANDO e importancia di pone e Arubiano na altura di su cultura. Ministerio di cultura ta duna apoyo na Miss Aruba World 2012, Srta. Lucianette Verhoeks

Ministerio di cultura a ser acerca pa Srta. Lucianette Verhoeks cu e peticion pa haya sa mas di nos cultura y con e por haya apoyo pa e por haci un diferencia representando Aruba na e certamen di Miss World cu lo tuma luga na China e aña aki. Sr. Stanley Dabian di Ministerio di Cultura ta dunando asistencia y coordinando varios cita cu fundacionnan, instancianan, museonan y Parke Nacional Arikok pa asina Srta. Verhoeks por haya mas informacion y prepara su mes miho pa representa nos pais.

Srta. Lucianette Verhoeks a haya un tour for di Sr. Norwin Maria, trahado na museo Arkeologico, kende a splica cu hopi entusiasmo tocante e coleccion di mas di 10.000 artefacto Amerindio cu ta cubri e Periodonan Cultural Pre-Ceramico, Ceramico y Historico y ta consisti di un variedad di material manera ceramica, cocolishi, piedra, weso y glas. For di 26 di juli 2009 a tuma luga e apertura oficial di e Museo Arkeologico Nacional Aruba door di Prinses Margriet van Vollenhoven.

E coleccionnan ta inclui un cantidad grandi di artefacto cu ta expresa un bida Amerindio y spiritual como tambe e red grandi di comunicacion cu tabata conecta Aruba cu Europa, Mexico y Sur America Central. E personal cientifico ta investiga e coleccionnan, guia excavacionnan y preserva sitionan arkeologico clave incluyendo e pinturanan asombroso riba barancanan cu bo por encontra den Parke Nacional Arikok. Y awo nan ta haciendo trabounan di excavacion y investigacion na

un sitio na Santa Cruz. Despues Srta. Verhoeks a sigui cu e tour na Museo Historico Arubano. Aki nan el a haya informacionnan interesante for di Sr. Mario Brown, kende a splica Miss Aruba World e historia di e Forti y Willem III Toren riba nos dushi isla Aruba.

E Toren Willem III a ser traha den aña 1868 y tabatin e prome holoshi publico den Oranjestad. Prome e toren a sirbi como faro di luz.

E lampi di petroleo a ser cendi pa prome biaha den aña 1869 riba fecha natalicio di e Rey Willem III. Y ta pa e motibo ey e toren a haya su nomber Toren Willem III.

E toren a ser uza como Forti durante añanan, pero door di e hopi actividadnan di comercio den e waf Oranjestad a bira capital di Aruba. E centro di e Gobierno local y simbolo di desaroyo di economia Arubano. Tambe e toren a ser uza como Forti, como oficina di gobierno, como postkantoor etc.

Mario a conta Miss Aruba World tocante e historia di e comercio, industria, di refinaria di Lago, Carnaval di Aruba, custumbernan di antes, con nan tabata biba y pisca etc.

Tabata un atardi hopi informativo pa Srta. Verhoeks y kende a gradici Sr. Mario Brown pa e tour y e informacionnan ricibi.



facebook.com/wemaaruba www.wemaaruba.com

WEMA'S 2ND BBQ COOK-OFF

WEMA GOES MEMPHIS

March 3rd at WEMA San Nicolas

7:00 Teams arrive 2 set-up
7:30 Meat inspection by international judges from Memphis, TN
8:00 Teams will be prepping the baby back ribs
8:30 Meat are in the smokers
12:00 2Sweet will perform
1:30 Teams prepare ribs for the blind judging
2:00 Judging will take place
3:00 Teams will be performing their 30-sec jingle
4:30 Announcing the winner

Primary Judge: Webb Rouse.
Secondary Judge: Guillermo Ayerdis.

Winning team will win 4 round tickets Aruba - Memphis, Tennessee, USA. Hotel for 4 nights. \$400.00 (US Dollar) per day for winning team. (\$100.00 dollar per person per day, maximum of 4 persons).
 V.I.P. Treatment during Memphis BBQ Fest.

Team 1: E.P.I
 Alvin Leest (master chef)

Team 2: 4SmoKings
 Eric Semeleer (master chef)

Team 3: 4-Porkers
 Gregory Lyder (master chef)

Team 4: Smoking U-C
 Edwin Krozendijk (master chef)

Team 5: Interport Smokers
 Patrick Haime (master chef)

Team 6: Brothers BBQ
 Carlo Mansur Jr. (master chef)

Team 7: Team SN
 Orlando Petronia (master chef)

Team 8: King Ribs
 Alex Luidens (master chef)

Team 9: 4 Smokin Dudes
 Gavril (Gabo) Mansur (master chef)

Team 10: Romero Home Health Care Smokers
 O'Neil Romero (master chef)

There will be a fully stocked kitchen by EPI.
 *all contribution at this event Wema will donate to Rayo di Solo and each team will choose their own non-profit organizations.

Presidente
 HAWAIIAN PUNCH
 GO FAST!
 WISE

MEP ta sigui cuestiona 20 miyon florin pa coordinador

Con por ta posibel cu tin 20 miyon pa paga coordinador, pero no tin placa pa combati criminalidad?



DEN e ultimo dlanan ta critica bastante fuerte tawata tin riba maneho di e gabinete Mike Eman specialmente pa loke ta trata combatimento di criminalidad. MEP a acusa e gobierno aki di ta morto na soño y di no kier lanta for di e soño ey.

“Ora nos a kere cu den presupuesto 2012 bo por mira cu porfin e gobierno aki ta bay haci algo GRANDI pa caba cu criminalidad na Aruba, nos a lesa cu ta apenas cu 1% ta aumenta e presupuesto di e

departamentonan cu mester combati criminalidad! Cu apenas 1.2 miyon florin. Di esaki polis lo haya 600 mil florin extra. Kico polis por haci cu e 600 mil aki? Nan NO por pone mas agente policial riba caya, nan NO por cumpra mas material y tampoco arma, nan NO por sigui cursonan specialisa pa vigila criminalnan sofisticada di e tempo aki”, segun lider di MEP Evelyn Wever-Croes.

Pero si gobierno ta pone 20 miyon florin pa paga coordinadornan. Tambe nan por pone 30 miyon florin pa e tram cu ningun hende no kier aworaki. MEP ta sigui cuestiona, ta unda e prioridadnan di e gobierno aki ta? Berdad AVP no ta sinti e temor, e angustia cu ta biba den pueblo debi na tanto inseguridad?

Of ta kier nan no kier scucha e dolor di e pueblo! Kita mita di e coordinadornan di trabou, y pone e 10 miyon florin ey pa combati criminalidad! Asina mes, si gobierno kita mita di e coordinadornan, ta resta nan como 150 coordinador cu ta un averahe di 21 pa minister. Esey mester ta suficiente, te hasta pa ministernan di AVP!

Parlamentarionan di AVP

Pero esnan cu mas a decepciona ta e parlamentarionan di AVP. Di tur banda e comentarionan ta cu e parlamentarionan aki ta hopi zwak y nan no tin contenido, ningun di nan! Pasobra con por ta posibel cu henter un pueblo ta den sufrimento, den tension, y e 12 marionetanan mas nan dos sostenedonan fiel, ta sinta elogia gobierno so! Ta sinta bati man pa gobierno?

Esaki ta un bofta den cara di nos pueblo cu ta wardando cu ansha riba un solucion, y no pa algun parlamentario sinta ta bati man so henter dia den Parlamento. E titulo di “zeehond” nan tin’e bon mereci.

A NEW DEVIL IN THE TEAM

WITH THE PURCHASE OF ONE BOTTLE OF CASILLERO DEL DIABLO YOU WILL RECEIVE A SCRATCH CARD TO PARTICIPATE AND HAVE A CHANCE AT WINNING AMAZING PRIZES.

AND YOU CAN WIN A TRIP TO OLD TRAFFORD TO WATCH A MANCHESTER UNITED MATCH - PLUS SPENDING COSTS FOR YOU AND A FRIEND.

Win Legend

Casillero del Diablo
CABERNET SAUVIGNON
CHILE
CONCHA Y TORO

Polo Shirts, Scarfs, Caps, Umbrellas, Jackets

ENTER YOUR PERSONAL INFO AT:
WWW.CASILLERODELDIABLO.COM/CARIBE

MANCHESTER UNITED
OFFICIAL SPONSOR OF MANCHESTER UNITED

ROMAR
Please enjoy responsibly.

Na Aruba Lionfish ta keda un menasa creciente pa nos bida marina

Studiantenan di IPA, Seccion di Pesca di Santa Rosa y Fundación Aruba Marine Park ta sigui busca método pa controla e Lionfish

MANERA ta conoci aña pasa Aruba Marine Park y Departamento di Pesca di Santa Rosa a traha duro cu diferente organización pa busca e forma pa controla e población di Lionfish rond di nos isla.

A organisa un Lionfish Derby cu a resulta hopi exitoso. Tabatin bon participación di sambuyador cu hopi entusiasmo pa yuda controla e Lionfish, cu pa prome biaha a wordo raporta na Aruba durante aña 2009.

Pa purba combati y controla

e población di Lionfish, Fundación di Aruba Marine Park a dicidi di lansa e Lionfish Derby na maart 2011 y después e Lionfish Control Championship cu a cuminsa na juni 2011 y después clausura na december 2011.

E Lionfish Control Championship tabata un éxito rotundo. Pa medio di prensa y e pagina social di Facebook a keda mantene e sambuyadornan: "Lionfish Huntersnan" motiva. Asina nos a clausura e aña cu un resultado

exitoso, unda cu mas di 2000 Lionfish ser captura y entrega pa registro na Centro di Pesca Hadicurari.

Nos tin cu duna crédito na Fundación Centro di Pesca Hadicurari cu ta coopera cu su facilidad pa e organización di e eventonan durante aña 2011.

E intención ta pa sigui motiva e dive operatornan, sambuyadornan y e conocido "Lionfish Hunters of Slayersnan" pa sigui elimina y controla e población

di e Lionfish. Seccion di Pesca y Fundación Aruba Marine Park ta spera di sigui ricibi e cooperación di diferente "stakeholder" pa keda controla e especie invasivo aki.

Como organisadornan di e Lionfish Derby y Lionfish Control Championship nos a nota hopi interés for di e sector educativo di Aruba.

Varios instituto educacional a pone atención riba e problemática di Lionfish, cual nos ta admira y aprecia hopi.

Estudiante di IPA, Colegio Arubano y otro scolnan a traha proyecto di Lionfish of problema ambiental cu ta menasando nos rifnan di coral rond di Aruba.

Estudiante di IPA, sra. Gyseth Arends-Jansen a traha proyecto social di Lionfish. Un estudiante di IPA a traha intensivamente riba e parti educativo di Lionfish. Sra. Gyseth Arends-Jansen a registra 350 ora pa traha riba e proyecto di Lionfish. Cu asistencia y cooperación di sección di pesca y Fundación Aruba Marine Park, sra. Arends Jansen por a traha riba e proyecto di Lionfish.

E proyecto di Lionfish a forma parti di un asignacion di IPA, p'e

proyecto social cu tur estudiante di IPA, tin cu ta finaliza como requisito pa finalisa nan estudio. Sra. Gyseth Arends-Jansen ta un "open wáter diver" desde 7 aña pasa. Sra. Gyseth Arends-Jansen a participa como "Lionfish Hunter" durante e Lionfish Derby na juni 2011. Dor di ta un sambuyador el a haya e interés pa traha e proyecto di Lionfish.

Sra. Gyseth Arends-Jansen a produci un "leskoffer" cu hopi material didatico p'asina por duna les na muchanan di 5 y 6de klas di scol básico, tur loke nan mester sa di un Lionfish. Tambe siman pasa a traha un exposicion cu tur e materialnan produci pa duna les.

Seccion di Pesca di Santa Rosa y directiva di Fundación Aruba Marine Park a keda masha impresionada cu e material produci. Nos lo desea p'e material wordo usa na scol riba un base regular y parti di les di naturalesa. Di e manera ey tur alumno di scolnan básico tin acceso pa haya tur información di Lionfish.

Riba e potret por aprecia sra. Gyseth Arends-Jansen, den compañía di sr. Castro Perez, Vice Presidente- Secretario di Fundación Aruba Marine Park.



Season Special Promotion

Give your loved one the gift they really want !
The Ultimate Spa Experience

\$85.00
Inclusive of BBO

SPA PACKAGE DEAL

Relaxing Massage
Cleopatra Scrub
Complimentary glass of wine

Relax by our tropical pool before or after your treatment.

The Orchid Spa
Brickell Bay Beach Club
Boutique Hotel

FOR APPOINTMENTS CALL
TEL. 586-0900 / 597-7609

Located at
BRICKELL BAY BEACH CLUB & SPA



Rudy Lampe for di Alemania ta bisa

Aruba tin hopi di siña di politiconan Aleman

PRESIDENTE di Alemania mester entrega su retiro cual ta un les pa Aruba, segun Rudy Lampe.

Despues di hopi presion di publico y di medionan, e Presidente di Alemania, Christian Wulff, a entrega su retiro. Razon tabata: Falta di integridad. El a biaha gratis cu su famia den Business Class di Air Berlin, un regalo di su amigo e chef di e aerolinea, mientras cu Christian Wulff tabata Minister-President di e estado Niedersachsen. Despues el a paga e biahe cu su mesun placa, pero e daño tabata haci caba.

Tambe un otro empresario lo a paga un vakantie den un hotel luhoso pe. Esaki tabata e dos faltanan di integridad y su posicion a bira insostenibel.

Laga nos compara cu Aruba. Di su prome biahe pa exterior como Parlamentario na december 2005 Rudy Lampe ta bisa di a sobra placa di e daggeldvergoeding. El a bay deposita loke a sobra na Finanza y a resulta cu no tabata existi procedura p'esaki, pasobra for di 1986 ningun politico a haci esaki.

Di Henny Eman te cu Nelson Orlando Oduber, di Mike Eman te cu Otmar Oduber, e resto di daggeldvergoeding a bira extra entrada personal. Ora cu Rudy Lampe no por a debolbe loke a sobr'e el a keda financia tur su biahenan durante 4 aña di su prome daggeldvergoeding gordo y e no tabata pidi mas daggeldvergoeding.

Durante campaña varios votador a bis'e cu nan a tum'e na

malo cu el a denuncia cada bez esaki, pasobra el a bira un zeurpiet, segun Rudy Lampe. Ta algo chikito e ta y el a keda zeur riba e punto aki, segun diferente votador.

Pesey nan no a vota RED y enberdad el a bay atras cu un mil voto. Esnan cu a haya hopi mas voto ta precisamente esnan cu a keda cu placa di pueblo den nan saco.

Si tabata na Alemania, nan tur mester a entrega nan retiro, pasobra e pueblo votador no ta acepta algo asina, ya cu un ladron ta cuminsa chikito. Na Aruba ainda e pueblo votador ta castiga e politico cu ta honesto y ta premia esun cu no ta honesto, segun Rudy Lampe.

Ta casi sigur cu e futuro Presidente nobo di Alemania ta Joachim Gauck, kende tabata

Pastor Protestant pa hopi tempo.

El a haya fama pa motibo cu como Pastor el a lucha contra e dictadura comunista na ex DDR y semper a lucha pa defende e derechonan humano. E ta goza di respet grandi bao henter e

pueblo, pasobra e no solamente a predica e evangelio sino cu e a practique den politica.

Pa Pastor Gauck ser Cristian kier men ser politico. Kier men Aruba tin hopi di siña for di loke ta pasa na Alemania, segun Rudy Lampe.







“Giselle”

Department Store

LADIES & CHILDREN WEAR . LINGERIE . TOYS . HOUSEHOLD ARTICLES

Giselle a caba di ricibi pa tur esnan cu ta bai ricibi Santa Comunion; bistirnan blanco masha bunita, preto, blauw scur, beige y off white, krans y corona y wal, tas, caarchi pa invitacion y rosario.

Tambe a ricibi hopi paña nobo pa bisti pa dama, caballero, hoben y muchanan.

E coleccion di sandalia, sapato y slof ta hopi bunita,

Pa pasco grandi nos tin varios decoracion, peluche di conew, webo di plastic, macuto pa piki webo, sticker, window clings y saco pa pone mangel.

Pa campamento nos tin tent, slaapzak, matras, pool, masha hopi estilo di badpak, full y di dos pida y zwemvest.

Noord 55-A Tel: 5867104

Nos ta acepta Pagomatico



Parlamentario Clarisca Velasquez ta señala

Presidente di S.P.A. ta haci expresionnan politico malusando su funcion

A tuma nota den medionan di comunicacion cu e President di Sindicato di Polis, a haci cierto expresion politico malusando su funcion como Presidente di S.P.A.

Segun Clarisca Velasquez ta na altura cu e Presidente di S.P.A. tin cu sali na vanguardia di posicion huridico di su miembronan y ta bringa pa bienestar di su miembronan y no mester bay haci maluso di su funcion como Presidente pa haci expresionnan politico den medionan di comunicacion

riba kico un Parlamentario a papia den su disertacion den un reunion publico cu el a haci investigacion riba algo cu a pasa den Parlamento!

Besaril no tin autoridad pa bay cuestiona kico e Parlamentario a haci of laga di haci. Si e Parlamentario su postvak a yega un envelop sin nomber di remitente ta keda n'e Parlamentario pa haci su investigacion ta keda n'e Parlamentario y esey no kermen cu e ta haciendo maluso di su autoridad of ta haci trabao di polis, Clarisca Velasquez ta

splica.

Cada persona cu algo pasa cune ta su pleno derecho pa investiga pa wak kico por a pasa y no ta incumbencia di e President di S.P.A.

Si e persona aki ta cuminsa ataca su persona, Clarisca Velasquez ta conclui cu e persona aki, referiendo n'e Presidente di SPA, ta bay drenta arena politica den fila di MEP.

E no tin cu haci maluso di su funcion di Presidente di SPA, pa haci esaki. Clarisca Velasquez ta bisa cu Besaril tin cu retira como President di SPA p'e por cuminsa profila su mes politi-

camente! Lo ta bon p'e miembronan di e bond tuma nota di e expresionnan politico cu nan

presidente ta haci, malusando su funcion pa haci politica barata.





Contractor - Construcion

Nos ta hasi tur trabao di construcion, y ta bende tur sorto di santo y piedra

NOS TA HACI QUOTATION GRATIS


NOS SERIEDAD TA BO SIGURIDAD

Omcarsconstrucion@hotmail.com

Root Koochi # 39
 Savaneta, Aruba
 T: 584-4243 / 561-4264

The new, faster MacBook Air.


*Everyone should have a notebook this advanced.
And now everyone can.*



iStore

A R U B A

Porto 470-2 | 586-2167 | info@istorearuba.com

 Authorized Reseller Authorized Service Provider




PREVENCION - DIAGNOSTICO - TRATAMIENTO

Ta tempo pa nos sa mas di
Cancer di Tripa



Fecha: Diasabra, 3 di Maart 2012

Lugar: Radisson Aruba, Ballroom

Hora: 8:30 - 11:30 'or

Entrada: GRATIS

Oradornan:

Dr. E. Caseres -Internista

Zr. Linda Thompson - Stoma

Sra. Angelique Salsbach - Dietista

Sr. Carlos Faarup

Pa inscripcion:

Koningin Wilhelmina Fonds entre 9:00 - 12:00

dialuna pa diabierna: tel. 582-0412

Parlamentarionan Evelyn Wever Croes y Xiomara Ruiz Maduro

Presente na celebracion di Dia Internacional di Lengua Materno

DIASABRA anochi den cas di cultura tabata tin un anochi dedica na papiamento, y tambe e prome dictado nacional. Esaki den cuadro di celebracion oficial di dia internacional di lenga materno.

Presente na e ocasion aki tabata parlamentarionan di MEP Evelyn Wever Croes y Xiomara Ruiz Maduro di MEP.

E parlamentarionan a gosa di e presentacionnan cultural di e anochi.

Tambe a cera conoci cu e ganadora di e haiku, Sra. Frida Vrolijk, y a haya un splicacion di e haiku di Sra. Digna Lacle-Herrera. E haiku ta un poesia cu ta bin di e cultura Hapones, y cu tin reglanan masha estricto. Den combersacion cu Sra. Frida Vrolijk el a splica con bo ta traha

un haiku.

E dictado nacional tabata hopi interesante, pero na mes momento bastante dificil. E parlamentarionan ta felicita Rosabelle Illes pa e tremendo trabou di organisa y presenta e dictado, y e 75 candidatonan cu a participa. Pabien tambe na e ganadora Sra. Tica Giel.

“E dictado mester wordo transmiti na television pa asina mas hende por participa y siña mas di nos idioma”, segun Xiomara Ruiz Maduro. Otro aña e Evelyn y Xiomara a bisa di ta cla pa participa na e dictado.

“Eventonan cu ta duna realse na nos papiamento mester wordo stimula. Mi ta felicita Departamento di Enseñansa y Departamento di Cultura cu e iniciativa aki. Nos idioma ta

un simbolo di union y ta un di e simbolonan cu ta identifica nos como un pais, laga nos duna mas atencion y demostra mas amor na nos idioma”, Evelyn

Wever Croes a duna di conoce. Maske e sala no tabata completamente yen, toch mester bisa cu tabata tin hopi atencion pa e evento. Lamentablemente

ningun gobernante tabata presente. Ohala cu otro biaha por logra yena e sala, mescos cu un comedia of concierto por yena e sala.



Un caso horibel di maltrato di bestia

E sentimentonan cu a bin ariba cerca mi persona ora mi a wak e pober bestia aki tabata rabia, asco pa hende, tristesa y incompreension. Con un persona por haci algo asina? Mi no por compronde con e doño di e cacho aki, un cacho asina cariñoso y na mes momento dependiente, por a scop e cacho aki ariba caya. Y, ariba dje mi no

por compronde con e hendenan den e barío ta wak e cacho aki ta cana tur dia y a laga e bestia aki ta muri di hamber, sed y dolor na bida!! Ningun hende a saca un man pa yuda e bestia aki. E mirada di e cacho a yena mi di rabia y asco pa hende, e pober bestia hopi malo, asina flaco, hambra y deshadrata, cu sarna y ariba dje cu un pata cu

en o por uza mas door cu auto a dal e. Cu hendenan na Aruba, den e caso aki full un barío, ta negligisha y bandona un bestia ta yena mi cu hopi tristesa. Con nan por pasa tur dia y wak otro banda y no yuda e bestia aki. Lastimamente cu aki na Aruba hendenan ta di pensamiento cu no ta mi bestia pues no ta mi responsabilidad pues mi no

mester yuda. Boso ta lubida cu e bestia ey tin bida??

No ta prome biaha cu mi persona ta encontra un bestia (mas tanto cacho of pushi) den e estado aki ariba caya bandona. Te hasta a yega di pasa cu mi ta puntra den e barío y mi ta bin topa cu e ex-doño cu ta haya hasta pret pa bisa cu e no tabata kier e bestia mas pesey e la tira e bestia ariba caya pa asina e por deshaci di dje. Tin casonan cu e doño ta hasta bisa cu e ta dune cuminda of cu e bestia ta come bon, mientras cu den un frega di wowo bo por wak cu e cacho ey no ta haya cuminda, ta mal nutri y ta wordo maltrata. Den casonan asina mi persona sa pidi ayudo di Animal Rights Aruba (ARA) y ARA por yuda algun bestia-/cachonan cu por wordo salba pero no tur, pero por lo menos nan ta purba yuda te unda nan por.

Mi ta pidi e comunidad di Aruba pa pensa bon ora bo persona kier busca un animal domestico. E “mascota” aki por ta mara na bo entre mas o menos 10 pa 15 aña. Y, lo trece gastonan cune. Un animal domestico mester

di cariño, cuido, cuminda, un hoki/shelter pa sconde di solo/awasero, y tambe tratamiento di Veterinario ora mester. Y, si pa un of otro motibo bo no por cuida bo mascota mas, busca un doño pe of acerca un Veterinario pero NO tira e bestia ariba caya lagando e atras ta muri di hamber, sed y dolor. Esaki ta un morto poco poco y HOPI CRUEL y esaki sigur no ta e trato pa duna un bida.

Alabes mi kier a pidi tur persona cu ta wak un bestia maltrata of muriendo di hamber den bo caya, ariba caya, purba na pensa un solucion pa e bestia. Para un rato, dune un tiki awa, un tiki cuminda. Esaki no ta costa bo net nada, al contrario e ta yena bo cu satisfaccion di por yuda e pober bestia aki cu ta depende totalmente di un ser humano. Hasta e cacho aki cu a wordo maltrata horiblemente ainda tabata tin confiansa den mi persona y a bati su rabo y cana bin cerca mi. Increibel, asina mes cu hende a pone sufri asina hopi. Mira e potret un biaha mas y husga pa bo mes: “Esaki ta ARUBA: ONE HAPPY ISLAND!”.





CUIDA BO AUTO CU PIESANAN DI NAPA AUTO-PARTS OBTENIBLE NA NOS SUCURSALNAN NA:

Cura Cabay 145
Tel: 584-5046

Sabana Blanco 70
Tel: 583-4363

Shaba 1
Tel: 587-0621



Fraccion AVP;

Den preparacion pa debate di parlamento

MAÑAN 1 di Maart ta cuminsa e di dos rondo di tratamento di presupuesto den Parlamento di Aruba. Ayera Parlamento a pasa henter dia ta haci pregunta, lansa critica y duna comentario riba e presupuesto di Ministerio di Asuntonan General di Minister Presidente Mike Eman. E siman prome tur e otro ministernan a presenta cada uno apart den Parlamento pa scucha Parlamento trata nan presupuesto specifico. Awor aki e fraccionnan ta preparando pa e di dos rondo den cua e ministernan ta duna contesta riba e

pregunta y comentarionan di miembronan di Parlamento. Despues ta cuminsa mes ora e di dos buelta di pregunta y remarcnanan di e miembronan di Parlamento. Finalmente cada minister lo bolbe contesta e pregunta y remarcnanan di e miembronan di Parlamento. Dia 9 di maart, e ultimo dia di tratamento di presupuesto Parlamento lo vota riba e presupuesto, amienda y mocionnan di parlamento riba e maneho y e presupuesto pa aña 2012. E proceso largo y detaya aki ta rekeri un preparacion riguroso

riba tur e presupuestonan di cada ministerio y e maneho riba cada tereno di gobernacion. Awe e fraccion di AVP a dedica henter e dia ta prepara pa e reunionnan den e di dos rondo

di e reunionnan riba e presupuesto. Den e reunion di awe cu tur e miembronan di e fraccion a trata e maneho, e presupuesto, e critica y preguntanan y e prepara posibel mocionnan

cu e fraccion lo presenta den e dianan cu ta bin. Riba e serie di potret por wak e fraccion den nan reunion awe den e sala di trabou di e fraccion den edificio di Parlamento.



Universal Enterprises
Megaan Auto Parts N.V.

Hubert Loefstop

Av. Don Milio Croes # 8
Dakota, Aruba
D.W.I

Phone / Fax : 297-588-3750
Cel.: 297-561-9994
E-mail: hloefstop@yahoo.com.

Ta bistibo
pa tur ocasion!

**Casual of
Elegante**

AVENIDA MILO CROES 71 Tel: 582-2303
Habri di Dialuna pa Diasabra 9 am - 6 pm



Brievenbus



LUNA decisivo segun declaracion di representante di Valero. E vocero a declara basta siman pasa caba cu den maart lo tuma e decision si ta sigui cu e refineria Valero. Nos tur sa cu e refineria ta hopi importante pa economia di Aruba. E ta nos di dos pilar.

Casi 100 aña caba hopi tata di famia a haya nan pida pan pa cria nan famia for di e refineria. Nos tur ta desea p'e refineria keda habri. Nos tur ta desea un bon noticia. Solamente ta tristo cu Gobierno ta haci hopi politikeria.

Informacion den Brievenbus ta papia di e Cumbre Gaña Gaña. Un declaracion final cu no ta bisa nada concreto. Hopi bla bla, show, gastamento di placa. Mi pensamento ta bay n'e momento cu Gabinete Mike Eman a manda cas un funcionario halto di Departamento di Impuesto, pasobra el a cumpli cu su deber di cobra Valero impuesto manera ley ta marca. Tabata trata di un balente suma di riba 230 miyon florin. A core campaña cu lo habri Valero si AVP gana. E momento caba cu a shut down, e mensahe a bin di big boss himself cu ta trata di un 80

year old refinery, es decir cum-inza prepara pa un alternativa. Pero esey no a sosode, a usa e 230 miyon di pueblo pa habri esaki bek y permiti negoshinan conoce bon gana placa y sigui gana placa.

Esaki no tabata pa yuda e trahadornan. Si kier a yuda e trahadornan, mester a stort e 230 miyon florin den un trustfund y ta paga tur luna e 800 trahadornan pa resto di nan bida for di e trustfund aki, sin mester traha mas. Of si nan kier traha, nan lo gana un salario extra riba e uitkering aki di for life. E ora nan lo

a biba como rey pa resto di nan bida. Pero no a corda riba e trahadornan.

Awor e trahadornan ta den tension y inseguridad ta kico lo bay pasa. Si nan por sigui paga nan cas, auto, scol pa nan yiunan etc.

Pa Gabinete Mike Eman interes di e trahador no ta conta tog. Corda email: arlampe@yahoo.com

(Gerencia di AWEMainta no necesariamente ta comparti opinion di e columnista, Armando Rudy Lampe. Esaki ta core completamente pa su responsabilidad)

Dance & Bee Healthy

Fundacion Diabetes Aruba hunto cu Glucerna ta organisa un Zumbathon

FUNDACION Diabetes Aruba cu patrocina di Glucerna ta organisa un zumbathon riba diadomingo 11 di maart 2012 for di 10:00am - 13:00pm na Compleho deportivo Frans Figaroa na Noord. Di e manera aki Fundacion Diabetes Aruba ta habri su programa di aña. Manera ta conoci caba, un di e enfoke di Fundacion Diabetes Aruba ta, pa conscientisa y

alabes stimula un estilo di bida saludabel pa asina por yuda preveni diabetes y otro malesanan cronico. E mainta di zumba dia 11 maart 2012 ta pa un y tur cu kier pasa un rato ameno haciendo ehercicio. Cu esaki nos ta spera di laga mas hende cu ta posibel cera conoci cu e deporte di Zumba como un di e posibilidadnan pa haci ehercicio. Henter famia por participa

y bin baila riba diferente tono di musica y alabes haci ehercicio. Lo bay tin diferente instructornan di zumba conoci di Aruba cu lo guia e evento.

E evento ta cuminsa 10or di mainta. Prijs di inscripcion ta awg 10,= y esaki ta inclui un T-shirt, algo di bebe y naturalmente un glucerna. T-shirt nan ta obtenibel na Medicosmetics

(dilanti di garashi central) y cerca miembronan di Fundacion Diabetes Aruba. Pa mas informacion y pa T-shirt por tuma

contacto na Cel# 5611244 of 5930507. Nos ta invita pueblo di Aruba pa participa, bin baila y gosa.



MESTER DI PLACA? EMPEÑA Y CUMPRA ORO

14 kt = AWG 40!
18 kt = AWG 50!
24 kt = AWG 68!

SEMPER E PRIJS DI MAS HALTO!



ORANJESTAD WERFSTRAAT 7 LOK. 12 TEL 588 4141 ☎ SAN NICOLAS B. V/D VEEN ZEPPENFELDSTRAAT 14 TEL 584 4141



E software sismologico instala na DMA ta permiti pa detecta temblornan su locacion y magnitud na un manera hopi mas lihe

MARCK Oduber, director di Departamento Meteorologico Aruba (DMA) durante presentacion di e software sismologico nobo a duna di conoce cu desde cu e departamento aki a wordo institui, e tareanan cu tabata wordo haci dor di servicio meteorologico di Antias Hulandes a wordo tuma over dor di DMA. Entre e tareanan aki tabata inclui parti di sismologico y awor ta asina leu cu a haci un upgrade completo riba e parti aki. A bin cu un software ultramoderno pa detecta temblornan den nos region y hasta rond di mundo, unda cu e deteccion tin biaha ta bin hopi mas lihe cu ora otro instancia mande. Ta trata di un deteccion automatico y ta importante pa por ehempel Departamento di Calamidad pa haya e informacion ora un sismo tuma luga y e forsa wordo

tuma, specialmente sismonan den e area di Aruba. Marck Oduber a splica cu tur empleado di DMA a wordo getrain dor di Paul Friberg di e compania ISTI, cual ta esun cu a bende e software y a ofrece e training riba sismologia, mientras cu algun empleado tambe a haya curso basico riba con e software ta traha. Paul Friberg a splica cu e software aki ta uno cu nan a desaroya conhuntamente cu e US Geological Survey y tambe NOAA. E software aki ta yuda mehora e deteccion automatico di temblornan rond di Aruba. Banda di duna e locacion automatico, e sistema aki ta manda e-mail pa e personanan concerni mustrand e locacion di e temblor, su magnitud y e sismogramanan cu a wordo captura dor di e sismografo na Aruba y otronan tambe.



Construction Equipment & Rental Depot
 Bushiri 32 - Tel. 588-5555 / Fax 588-5560
 Cura Cabai - Tel. 584-4020 / Fax 584-4023
info@cerdnv.com

New stock has arrived of the Lightest & most Comfortable Safety Shoes on the island.



- Waterproof
- Electric Shock Proof (18.000 Volt)
- Anti Slip
- Composite Toe









Composite Toe
Lighter & equally strong as steel toes

Double Insoles for Comfort & Support

Ultra light soles / Waterproof

Aruba entre "Best of the Caribbean for 2012" cu cobertura special riba Aruba In Style

RECIENTEMENTE e website SmarterTravel.com a nombra Aruba entre e mihor destinacion den Caribe pa aña 2012. SmarterTravel.com ta un website reconoci den mundo di biaheronan cu ta desea di haya mas informacion riba e destinacionnan vacacional. Nan ta conta cu practicamente 1 miyon bishitante pa luna y ta conseha riba e mihor destinacion, buelo, hotelnan, entre otro. Den un articulo caminda nan ta recomenda 10 destinacion como un must pa 2012, Aruba ta aparece como un di nan, algo cu sin duda algun ta un promocion grandi pa nos isla. SmarterTravel.com a pone ex-

tra enfasis riba e Aruba Fashion Week 'Aruba In Style' cu a tuma lugar na november 2011, nombrando Aruba como "the most fashion-forward Caribbean Island", asina aki poniendo Aruba su nomber na halto un biaha mas. Aruba In Style a trece reconocementonan grandi pa Aruba den mundo di fashion unda Aruba a wordo poni riba nivel di fashion di Miami y tambe New York. E cobertura tabata uno hopi grandi for di prensa mundial unda nombrenan manera Getty Images, NTN 24, Ocean Drive, Televisa, New York Daily News y New York Magazine entre otro tabata presente.

Enjoy the freedom to connect on the go!

New Prepaid Data Plans



Choose the bundle*
that best fits your needs

High Speed Bundle

Data Plan	Price	Down-/Upload Speed (Kbps)	Data Volume
1 day	Afl. 5,-	7200/384	250 MB
1 week	Afl. 18,-	7200/384	500 MB
2 weeks	Afl. 32,-	7200/384	1 GB
1 month	Afl. 49,-	7200/384	2 GB

Super Speed Bundle

Data Plan	Price	Down-/Upload Speed (Kbps)	Data Volume
1 day	Afl. 8,-	14400/384	500 MB
1 week	Afl. 28,-	14400/384	1 GB
2 weeks	Afl. 50,-	14400/384	2 GB
1 month	Afl. 79,-	14400/384	4 GB



*Some conditions may apply.

Deporte

Huub Stevens:

“Raul y Farfan lo bandona Schalke na final di temporada”



E entrenador di Schalke 04, Huub Stevens, ta kere cu e spaño Raul Gonzalez y e peruano Jefferson Farfan lo bandona Schalke na final di temporada,

pa cual solamente ta considera e dos hungadornan ey den su plan t'e na juli. “Mi ta planea cu nan solamente t'e na final di temporada”, Stevens a bisa na e

revista Sport Bild. “Cu Jefferson y cu Raul mi no ta hasi ilusion. Si e club bini cu un bon respaldo financiero e ora nos tin poco chens”, e entrenador a splica.

Stevens, sin embargo, a laga un porta habri na bisa cu ta trata di goza den Schalke “di manera cu ta pensa na keda cu nos”. Raul tin un oferta pa renoba pa un temporada, cu un salario cerca di 4 miyon di euro pero tambe tin oferta di China y di mundo

arabe unda por gana mas placa. Ademas, segun Sport Bild, Schalke ta duda na aumenta e oferta debi cu e temporada aki Raul a briya den tur wega na cas contra rival chikito mientras cu contra esnan grandi no a hunga dje bon ey.



**URGENTLY REQUIRED
SALES REPRESENTATIVE**

We urgently require a Sales Representative

- Minimums of 2 years strong sales experience
- Friendly and professional mannerism
- A proactive and passionate attitude towards sales.
- Have the ability to listen to the customers' needs.
- Immaculate presentation, always well and smartly dressed.
- Goal & target orientated
- Fluent in Papiamentu, Spanish, Dutch & English
- Able to start work immediately

If you think you fit the above requirements; please kindly email your full resume with complete personal, educational and work experience information to sue@awemainta.com



Thinking about selling your unwanted Gold or Silver?

We are the answer!!



Located at Jucuri 66, Sta Cruz - Tel: 585-6558



TOP PRICE 4 GOLD - TODAY!

14K - 62.20 Fls.

18K - 77.75 Fls.



Open: Monday to Saturday from 10am to 7pm

Nelson Cruz ta contento y kier keda saludabel



NELSON Cruz ta smile ora ta imagina ki clase di hungador por ta e temporada aki pa Rangers si mantene su mes saludabel. Cruz a baha e rutina di training durante vakantie cu e

speransa di libra asina di lesion den cualkier parti di su curpa. Rangers ta contento si logra brinda su poder ofensivo di manera constante. “Mi ta pensa hopi riba esey”, Cruz a bisa. “Mi

tin cu hasi’e, mi ta kere cu esaki por ta mi temporada. Mi no sa ki tanto mi por hasi, e importante ta aporta tur dia y logra avansa desde eynan”. E dominicano a traha pa baha 12 liber y alivia

e tension riba su pia. El a hasi mas ehercicio pa fortalece e musculo y a train den winter cu su compañero Mike Napoli. “Mi ta sinti cumi musculo ta mas fuerte y flexibel. Mi no sa ta ki tempo tabata e ultimo biaha cumi tabata sinti asina”, Cruz a bisa. “Mi tin cu Sali y hunga nada mas, y sigura di sigui asina pa 150, 160 wega”.

E outfielder, MVP di e championship series di Liga Americana, a hunga 128 wega of menos den cada un di e tres ultimo temporada debi na lesion, cu estadia den e lista di lesionado desde 2010. E manager Ron Washington ta kere cu Cruz por ta un candidato pa MVP si mantene su mes saludabel. “Nos ta bay hasi tur cos posibel pa mantene saludabel durante e temporada”, e manager a bisa. Cruz ademas ta contento cu a firma un contract nobo pa dos temporada pa 16 milyon dollar cu ta inclui hopi bonus. “Si, e ta mas seguridad, seguridad

pa mi famia. Di esey tur esaki ta trata”, el a bisa. Cruz tabata un di e rason pa cual Rangers a bolbe World Series pa dos aña sigui. A dal seis homerun y a empuha 13 careda den championship series contra Tigers; ambos ta record den un series di playoffs di Grandes Ligas. Den e racha tabata e prome Grand slam cu a caba un wega den historia di playoffs. Cruz a bira den e prome pelotero pa dal homerun di extrabase den dos wega di un mesun serie. Den e ultimo dos aña, tin un average di .270 cu 14 homerun y 27 RBI den 33 wega di playoffs. Pero e dominicano a bisa cu su postura no ta cambia y cu e temporada aki ta sigui mesun concentra cu semper. “Mi ta bin aki pa prepara, tin otro aña cu ta bini pa logra drenta den e team”, el a bisa. “Esey ta cambia e manera cubo ta pensa, e manera cu ta bin hasi bo trabou”. E contract nobo probablemente lo pone hunga cu mas gana y trata di hasi e cosnan mihor.

Add Enduring Elegance To Your Home.

The appeal of the Decade ShowCase garage door is timeless.



RAYNOR
AUTHORIZED DEALER
Decade ShowCase Ranch with Colonial Stockton Snap-In Windows

Raynor Garage Doors are beautiful, durable and reliable. Your home will always look modern with the style that comes with a Raynor Decade ShowCase.

- Its rugged, two-sided steel design provides superior strength and maximum protection against noise, impact and weather.
- With its deeply embossed woodgrain texture, Decade ShowCase adds beauty to any home.

• Decade ShowCase doors are warranted “For As Long As You Own Your Home.” Times change, but the ageless beauty of your Decade ShowCase endures. Visit our showroom today.

E. & E. TRADING CO. N.V.
SABANA BLANCO 1-B
RONDWEG - DAKOTA
TEL: 588-2828 FAX: 582-9397
E-MAIL: e.n.e.trading@gmail.com

www.raynor.com



CODEMSA N.V.
CUMANA 69
TEL: 582-2235/592-2235

Back na Codemsa DUTCH BOY PAINTS. Tambe nos tin Glass clear 3-4-5-6mm, Anísun 4-5-6mm, Brons glass 6mm. Spiel pa auto 2mm, Glass pa sunset 4" frosted & clear y tambe nos ta duna servicio di slip glass. Nos tin sheetrock, Denseglass, Shingles, Asphalt paper #30 & #43. Madera 1x3, 1-4, 2x3, 2x4, 2x6, 2x8, 2x10. Plywood exterior 1/2" - 5/8", Stielage cu Catwalk Mericano, Joint Compound GLN & 5 GLN, Sheetrock Tape, PVC Pipes & PVC Fittings y Barbwire/Prikkelraad na bon prijs. Safety Shoes na AWG 10,-.

Horario Dialuna pa Diabierna 8am-12/1.30-5.30pm,
Diasabra 9am-1pm.

SCOL DI IDIOMA

CURSO DI NATURALISACION HULANDES & PAPIAMENTO

Cursonan ta mainta-merdia-anochi

Curso di Idioma Principiante + Combersacion

Ingles pa Latino - Papiamento - Spaans - Italiano - Portugues- Frances- English Brush Up (mbo)

Registra na Pos Chikito 75ª-Tel: 5843768

Cel: 6900169-scolidiidioma@yahoo.com

Tur curso ta start den luna di maart 2012

Bandonando Real Madrid?

Jose Mourinho a bay busca cas na London



E entrenador di Real Madrid, Jose Mourinho, a bay busca cas na London, loke ta trece rumor cu e tecnico portugues tin chens di bolbe bek pa Chelsea na juli. E corant The Sun a muestra cu otro team di e capital di Inglaterra, Tottenham Hotspur, tambe ta interesa den e luso si finalmente su actual entrenador, e ingles Harry Redknapp, dicidi bandona e team pa dirigi e seleccion ingles. Segun e cor-

ant, e luso ta sinti cu a laga asunto pendiente na Stamford Bridge y ta considera cu por bolbe traha cu e propietario di e club, e magnate ruso Roman Abramovich, cu den su tempo tabata tin algun diferencia. Durante e tres aña cu a dura na cabes di Chelsea, di cual a yega na juni 2004, e portugues a gana dos titulo di Premier, un Copa di Inglaterra y dos Copa di Liga (Carling Cup). The Sun

a bisa cu Mourinho ya a wak cinco propiedad den barionan di Knightbridge y di Mayfair na London y a comenta tambe cu e entrenador luso, conoci pa su comentario provocador, a come ayera den e area di Chelsea. E rumor a haya mas forza ademas despues cu e tecnico di Chelsea, Andre Villas-Boas a reconoce e siman aki cu por perde su trabou na cabes di e team di London si no logra varia su chens.

AWE Mainta

Si bo no a haya bo corant awe, **Registra Awo!** na noticia@awemainta.com y haya bo corant tur dia den bo inbox

Find us on Facebook Media



OROCASH®
COMPRA Y VENTA

Prestamo inmediato riba cualkier articulo, manera ORO, Auto y Aparatonan Electronico y cualkier articulo cu pa bo tin balor.

Bo tin 4 luna cu nos pa paga bo articulo.

Nos interes ta 0.5%

8:00 AM a 10:00 PM

Telf: 582.49.89

Av. Alo Tromp Nro 2 Edif. Kini kini Oranjestad, Aruba

Internacional

TA BUSCA

AMORE MIO

1 DISHWASHER

POR PASA SOLICITA SERCA CHRISTINA LI

HUMAN RESORSES

J.E YRAUSQUIN BLVD 348

TEL:5867495

PROME CU SOLICITA PASA REGISTRA NA DLP

SERU BLANCU 4 CU CEDULA O PAPEL DI

CENSO

DPL HORARIO 7:30-11OR AM

DIALUNA PA DIAVIERNA

TA BUSCA

ITALIAN NIGHTCLUB NV

1 SCHOONMAAKSTER

POR PASA SOLICITA SERCA CHRISTINA LI

HUMAN RESORSES

J.E YRAUSQUIN BLVD 348

TEL:5867495

PROME CU SOLICITA PASA REGISTRA NA DLP

SERU BLANCU 4 CU CEDULA O PAPEL DI

CENSO

DPL HORARIO 7:30-11OR AM

DIALUNA PA DIAVIERNA

Grand Imperial Jewelers

Looking for
Watch Maker (m/f)

Qualifications: 5 years experience necessary with repairing and overhauling Swiss and other types of watches.

We Offer: Competitive salary plus Bonus, serene and pleasant working environment.

To Apply: Register at DPL with an Id or Census paper of Awg. 5.00

Between: 07:30 a.m. - 11: a.m. from Monday to Friday
Please send your resume to dina.maduro@yahoo.com or fax 5887979.

Address:L.G.Smith Blvd. 90 – 92 or you can call 5884242 to fill out an application for interview.



Nort Corea ta yega na un acuerdo cu Merca

NORT Corea a yega na un acuerdo diaranson pa stop cu test nuclear, enrikecimiento di uranio, lansamento di misil largo y permiti bishita di inspector internacional na su compleho atomico di Yongbyon na fin di verifica e aplicacion di paro. E anuncio, realisa simultaneamente pa e Departamento di Estado Mericano y pa e agencia oficial di noticia di Nort Corea,

ta yega na e caminda pa e posibel reanudacion di e negociacion di desarme cu Pyongyang. Tambe ta marca un significativo cambio di politica pa parti di e liderazgo di Nort Corea despues di e morto na december di e veterano lider Kim Jong-Il. “E Republica Popular Democrativo di Nort Corea, via pedido di Merca y pa mantene e atmosfera positivo pa e conversacion



di nivel halto, a dicidi stop test nuclear, lansamento di misil largo y actividad di enrikecimiento di uranio na Yongbyon”, e agencia oficial di KCNA a bisa.

WON BOY TAKE AWAY
AVENIDA ALO TROMP #25
TEL: 583-2277

TA BUSCA
1 KOKKI

Pa traha cuminda Chines

Prome cu solicita of jama mester
Pasa na D.P.L. seroe blanco #4
Cu cedula of papel di Afls 5.00 di
Registro civil di dialuna pa diabierna
Di 7:30 am pa 11:00 am

AWE
Mainta
noticia@awemainta.com
Tel: 583-1400
Fax: 583-1444

Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui number, fam y number di telefon di e remitente. AWEMainta ta keda cu e derecho reduci of edita esakinan pa publicacion.

Siribana tambe ta forma parti di Santa Cruz y Aruba

SI shonnan otro bon trabou di e Gobierno aki di mes hopi placa di mas pa tram, pero pa nos pueblo nada nada di mas, pa nos haya truck di sushi pa coy sushi nada nada di mas, pero pa tram si tin placa hopi hopi placa di mas. Vota berde dimes pa nan haci dimas, pero pa nos pueblo no

tin nada dimas, dimes!

Siribana ta sclama dimes y dimes, saludos pic nr1, ta siman pasa dimes y 2,3 y 4 t'e siman aki y tin hopi sushi dimas. Via di e remetido aki, cu a wordo manda pa Solo di Pueblo dialuna y siman pasa tambe un otro a wordo manda, y nan no a wordo

publica, pesey ami ta puntra ta ken a haya nan pen bek? No e pueblo di Siribana. Bon dia na un y tur. Despues di a pidi e corant Solo di Pueblo na 2 ocasion y sr. Edmond Croes na 1 ocasion pa please publica e potretnan hunto cu e remetido pa pueblo por wak kico e bario di Siribana ta pasando aden.

Nada no a wordo publica y ni un contesta mi no por a haya di Edmond Croes di e topico aki, ta pesey mi kier pidi awe, AWEMainta, Diario y Bon Dia Aruba pa please si por pone e remetido aki pami y pa bario di Siribana. Pa pueblo por wak con nos ta wordo trata no solamente pa

Serlimar, pero tambe p'e asina yama e corant cu ta bisa cu pueblo a haya su pen bek. Pa Solo di Pueblo, Siribana na St Cruz no ta conta como un parti di pueblo di Aruba, un cordial saludos. Nestor Leon biba na Siribana. 45 a, St Cruz, Aruba.



Carta abierta na Arubaanse Mijnbouw Maatschappij

SEÑORES, Motibo di e carta aki ta pa dirigi na Arubaanse Mijnbouw Maatschappij, pa e articulo cu a sali den Bon Dia diahuebs 2 di februari 2012, cu dicho Maatschappij tabata anfitrión di un recepcion anemo, pa presenta nan ekiponan nobo. Segun e articulo ta trata aki di refina un gran cantidad di materianan prima cu ta wordo busca for di exterior, y cu esaki ta trece hopi gastonan innecesario. Aki ta papia di Sero Cristal un tempo un luga turistico pa Arubianonan pa weita kico ta piedra di Cristal. Tambe ta papia di cu e “proyectonan” por tin ekiponan cu ta produci e materialnan aki. Y ta aki manera na Hulandes nan ta bisa; “En nou breekt mijn klomp”. Proyectonan cu tin o por tin ekiponan pa produci

e materialnan aki ? ? Ta di ki proyectonan nan ta papia? ? . Ta kico ta material prima y kico ta material? ? . Ta di ki proyecto nan ta papia? ? . Pero loke ta preocupa y ta duna tristeza ta cu e ekiponan ta specialmente pa “traha” materialnan prima cu tin den nos tera. Ta papia aki di piedra, santo pa pleister, base course, granite, santo pa klinker etc. Kiermen cu ta bay yena Aruba cu mas buraco, ta garna nos piedranan grandi, ta bay baha nos seronan haci nan plat pa asina converti nos paisahe unico, den un paisahe yen di buraco espantantoso?? Y tur esaki ta pa supuesto bay baha gasto di construccion y segun calculacion tambe Aruba ta spaar 80% di emision di CO 2. Ta ken ta expertonan cu ta cu ta traha e rekensom aki? ?.

Pa pone e cherry ariba e bolo e filosofia di AMM segun nan ta pa “GO GREEN”. (Esaki lo ta pa hunta Manteca na boca di nos gobernantenan). Ta cual cacho lo ta bay come e weso aki? Hendenan consciente ta spera cu AMM por ta mas cla cu pueblo sa, ta ki consecuencia e yegada di e ekiponan lo por tin pa conservacion di nos Medio Ambiente. Un aclaracion lo por kita tur duda! Antes Habitantenan di Sero Cristal tabata orguyo di nan bisindario, sitio cu a haya oro y tambe piedra di cristal cu 6 - 8 canto, cu punta skerpi. Tin baranca grandi cu pintura indjan, ningun dia a balota Sero Cristal. No a haci investigacion pa sa su balor. No tin ley di proteccion pa nos Patrimonio, tur ta bin y destrui. Ban pura pa conserva loke tin

balor natural. Mester garna tur piedranan den nos naturalesa y tur Arubiano ta sigui para wak? Sero Cristal tin su balor historico y cultural e merece ley huridico pa su proteccion.

Habitantenan consciente cu ta stima e isla Aruba ta para tras di e articulo aki. Tel; 585.6019 Cel; 592.0608



Tur cos cu a sobra na Kooyman Dakota mester bay!

Kooyman Dakota cu prijsnan espectacular riba stock bieu



DIASABRA awor 3 di maart lo tin un baratio riba e stock di Kooyman Dakota. Ya ta un par di luna cu a inaugura e KOOY-

MAN MEGASTORE nobo na Primavera cu exito. Den e store nobo aki a pone hopi enfasis riba mehora con e cliente ta

shop, servicionan y a agrega diferente departamento nobo. Reaccionnan di clientenan ta hopi bon. “Den e edificio bieu



na Dakota nos a sobra diferente productonan cu a cambia of a sali for di stock, entre otro bulto di madera cu nos clientenan por probecha di dje pa ultimo biaha. Pa e motibo aki nos a dicidi di organisa e Baratio na Dakota. Mester haci e edificio bashi,

pues tur e stock di bieu na Dakota mester bay. Lo tin descuento riba e productonan aki te cu 75%. Nos ta invita tur cliente pa bin probecha di e Baratio aki. Pues pasa pa bo wak si tin algo pa bo tambe. Diasabra awor di 8 am pa 6 pm”.

Workshop di pintamento

RIBA diahuebs 08 di maart, Da Vinci Academy ta start cu un workshop di pintamento: “Basic Course Drawing & Painting”, duna pa e e conocido artista Danilo Geerman. E workshop aki ta consisti di 5 les y ta enfoca riba e conocimiento basico di pintamento manera uzo di material, composicion di un obra, con pa traha cu color y sombra. E curso ta habri pa tur edad y nivel. No ta necesario pa tin experiencia den pintamento, e docente ta guia tur

participante individualmente. Tin un maximo di 10 participante, asina cada un por ricibi atencion personal. E lesnan ta tuma luga na Da Vinci Academy riba diahuebs 08, 15, 22, 29 di maart y 05 di april di 17.30 pa 19.30 anochi. Tur material ta inclui den e workshop.

Den e obranan di Danilo Geerman por mira e diferente aspectonan di bida manera spiritualidad, amor y naturaleza. E ta crea un mundo surrealistico, cu fantasia, humor y cu colornan intenso. Danilo a presenta su obranan den varios (solo)exposicion na Aruba y Hulanda. Recientemente, su exposicion titula “Canada Works” a tira un bista riba e experiencia durante su residencia di arte cu e la haci durante luna di juli na Ontario, Canada.

E residencia di arte a dura un periodo di 4 siman, unda e artista por a sali di e rutina diario y laga su mes wordo

inspira pa un ambiente completamente nobo pe, den medio di naturalesa puro. Na e pueblo di Picton (4 mil habitante) situa na oriya di Lake Ontario. Durante e residencia aki Danilo a sigui un curso tambe di e tecnica “etsen” duna pa master printer Nicolai Sarafov di Alemania.

Tambe el a traha hunto y intercambia idea y inspiracion cu otro artistanan di otro paisnan, manera un artista di Shanghai, Alemania y tambe di Canada mes. Banda di su trabou na e residencia Danilo a bishita Museo y galerianan na Montreal y Toronto pa asina pone su mes na altura kico ta sosodiendo den e mundo di arte internacionalmente. “Ta hopi importante pa por mira y experiencia loke ta pasando otro camindanan den mundo di arte, pa haya inspiracion y wordo influencia pa e energia positivo”, Danilo ta splica.

Pa mas informacion bishita e website www.davinci-aruba.com of yama na telefon 5889926. Ultimo dia pa inscribi ta diamars 06 di maart.



Jeslaine Vieira Alves a gana “dinner & a movie” pa 2 persona cu e Trivia di Academy Awards 2012



a gana un “dinner and a movie” pa dos persona. Jeslaine Vieira Alves a bira e feliz ganado. El a bay riba e website di SETAR www.setar.aw y click riba e slider di Academy Awards y a yena e contestanan corecto na e preguntanan y a bira e feliz ganado. E di 84 Academy Awards a tuma luga diadomingo ultimo dia 26 di februari 2012 riba canal 14 y HD 314 ABC di Cable Digital. E evento a inclui reconocimento pa diferente actor, actriz, director, y personahenan cu a causa un impacto den e mundo di film durante aña 2011. Riba e potret nos por mira momento cu Jeslaine ta ricibi su premio for di Andreina Kock di departamento di Mercadeo di SETAR.

E ta bay come dinner ta na L.G. Smith Steak & Chop House y tin entrada pa cinema pa 2 persona.

SETAR y canal ABC canal 14 cu awor tambe den “High Definition” na canal 314 a presenta un trivia cu diferente preguntanan encunto di Academy Awards. Tur esnan cu participa y yena e contestanan corecto na e preguntanan cu tin, por

Representanten di Aruba a participa na Conferencia Internacional di Herencia Cultural Inmaterial



RECIENTEMENTE a tuma lugar n'e ciudad di Deurne, Hulanda un conferencia internacional relaciona cu e ratificacion di Tratado di Herencia Cultural Inmaterial di UNESCO. E conferencia aki a ser organiza pa 'Nederlands Centrum voor Volkscultuur' y a ser financia

pa 'Fonds voor Cultuurparticipatie'. E ultimo aki a invita profesionalnan di tur 6 isla di Caribe Hulandes pa asisti n'e conferencia y a financia un gran parti di nan gastonan.

E Tratado di Herencia Cultural Inmaterial tin como meta pa

compromete paisnan pa inventariza e herencia aki den nan territorio p'asina por cuid'e y conserv'e.

Herencia Cultural Inmaterial ta tur locual ta expresion, tradicion, custumbenan etcetera, pues aki na Aruba por pensa riba p.e. Dande, Dera Gay,

Papiamento y Carnaval. Hulanda lo ratifica e Tratado den e proximo lunanan y Aruba y Corsou a indica cu nan ta desea p'e Tratado aki ta vigente pa nan tambe.

Durante dos dia expertonan di paisnan manera Escocia, Estonia, Inglatera y Estados Unidos a comparti nan experiencia cu e implementacion di e Tratado aki den nan paisnan. E mensahe comun di mayoria orador tabata cu mester involvi comunidad mas tanto posibel den e proceso di inventariza e herencia aki. Entre e oradornan tabata dr. James Counts Early di Smithsonian Center for Folklife y sra. Cécille Duvelle, hefe di seccion di Herencia Inmaterial na UNESCO, Paris.

E conferencia a ser atendi pa alrededor di 200 persona y a ser inaugura pa Secretario di Cultura di Hulanda sr. Halbe Zijlstra.

P'e delegacion di Caribe Hulandes tabatin un reunion extraordinario despues di ciere di e

conferencia cu organizadornan, representante di Ministerio di Cultura di Hulanda y di 'Fonds voor Cultuurparticipatie'. Aki a enfatiza e importancia pa tur pais den Reino traha un inventario segun reglanan comun cu nan lo mester ser desaroya den encuentronan futuro. E proximo encuentro lo por ta na final di april aki na Aruba durante un workshop di UNESCO.

Aruba a ser representa pa sr. Jimmy Oduber, Director di Oficina di UNESCO na Aruba, drs. Angelo Tromp, Attaché Cultural di Arubahuis na Den Haag, dr. Luc Alofs, Curador di Museo Historico y sra. mr. Arminde Franken-Ruiz, ambtenaar encarga cu maneho diario di Museo Arqueologico Aruba. E delegacion aki lo entrega un relato y consejo comun na Minister di Cultura, sra. Michelle Hooyboer-Winklaar, kende a sostene e biahe aki como parti di su maneho pa yega na un nominacion di nos herencia cultural riba listanan mundial di UNESCO.

Last consular outreach for Filipinos on march 24-25, 2012

IN line with the Philippine government's objectives of rationalizing fiscal expenditures, the Philippine Embassy in Caracas will be closed by the end of July 2012.

In view to this closure, a Consular Outreach will be done during the weekend on March 24 & 25, 2012 at the Casibari Room at the Holiday Inn. This **LAST CONSULAR OUTREACH** are geared for the OAV (Overseas Absentee Voters) and for E-Passport applicants. Filipinos that are still holding green passports with recent extension or expired, **MUST APPLY** as this is the only last chance, to have it done in Aruba – or they have to fly /contact the Phil. Embassies in Brasilia- Brazil, The Hague-Holland or in Washington for

those that have USA visas. The requirements are:--

- Fill in E-passport form
- Copy of the data page of your original passport to be renewed
- Fill in OAV Form no. 1
- Fill in Certificate 1 (for valid passport) or Certificate 2 (for expired passport)

Fill up all requirements, scanned & email to caracas.pe@dfa.gov.ph for pre-registration. The Phil Embassy will arrange the appointment for the processing date. Ambassador Jocelyn Batoon-Garcia is requiring a pre-registration in view of the limited time frame. Failure to do so, your papers won't be processed – **NO PRE-REGISTER, NO APPOINTMENT, NO PRO-**

CESSING.

Those who have applied previously (during the last consular outreach) are required to re-submit again all requirements. All data were erased when the machine broke down.

DEADLINE FOR SUBMISSION OF REQUIREMENTS: MONDAY, MARCH 12, 2012.

Cost of the E-passport: US\$ 60,-- plus return FEDEX charges of US\$ 75,-- .

Note: It will take 45 days to receive the new E-passport.

OAV: There is no expiration of a Voter's ID; but if the voter failed to vote for two (2) consecutive Philippine elections, the ID record will be de-activated.

The forms can be obtained from: Vinda de Leon -7430651, Mila Dequito – 7401185, Ricky de Peralta – 5927772, Hopi Bon Grill at Seaport Market place, Romeo Kilayko – 5946186 or at the Consulate at 7484955 / 5865766.

Or email philconsulate.aruba@hotmail.com , for you to receive, print out & fill up the forms.

Filipinos based in other islands are also informed about this outreach. They all have to pre-register in order to get their appointment dates for the processing.

I am asking kindly my Kababayans to take this matter seriously. The outreach is **ONLY FOR 2**

DAYS and it is a **FIRST REGISTERED, FIRST SERVED** basis. For any other queries, pls contact the Consulate.

Minister Hooyboer-Winklaar a bishita “Glassbeads” pa hobennan di Fundacion Terrafuse”

RECIENTEMENTE Minister Hooyboer-Winklaar a haci un bishita na Fundacion Terrafuse cu ta bou guia di Marian y Ciro Abath. Meta di e fundacion ta pa stimula arte di glas y ceramica na Aruba dor di ofrece curso di e.o. ceramica y traha cralchinan di glas y demostracionnan di “glasblazen”. Interes p’e cursonan ta grandi. Hasta a yega di haya pa un curso riba di 100 inscripcion. E aspectonan inovativo den cursonan, e animo di hobennan y e responsabilidad grandi cu

e trabao ta existi, a conduci na bishita di Minister Hooyboer-Winklaar. Despues di e introduccion di Marian, e hobennan sinta tras di un “brander” bisti cu un bril special p’e trabou aki, a duna demostracion y splicacion con nan ta traha na propio cralchinan. Tambe tur pregunta di Minister nan tabata contesta cu smaak. Ciro na su turno a duna e demostracion y splicacion di “glasblazen”. Un momento bunita tabata ora e deseo di e hobennan pa regala Minister

un armband cu ta consisti di cralchinan traha dor di nan mes cu diferente tecnica, a keda cumpli! Ora di entrega, a informa Minister tambe cu cada cralchi tin su propio storia su tras. Como muestra di aprecio p’e bishita, Fundacion Terrafuse a regala Minister un obra di arte di glas. Na final di e bishita, Minister Michelle Hooyboer-Winklaar a indica di a aprecia e informacion y demostracion ricibi. Tambe e forma profesional y

responsabel di traha di Marian y Ciro. Por ultimo Minister a extende un invitacion na Terrafuse pa den futuro cercano forma parti

tambe di e plan di Gobierno cu ta ensera ubicacion di produccion/artenan local den un espacio hunto pa stimula benta mas intensivo di nan.



Stabburet lever paté den supermercadonan

E lever paté asina sabroso di marca Stabburet ta bek ariba mercado y den un bleki nobo. Clientenan por reconoce awor den su bleki color geel cu un

cara di mucha homber of mucha muhe ariba dje. E conocida Maria ta den cushina lo ta pasando den supermer-

cadonan rond di Aruba pa duna clientenan e oportunidad di purba con dushi Stabburet lever paté ta. Por purba esaki den e siguiente supermercadonan en-

tre 4pm y 6pm: Ling & Sons 29 di februari, Kong Fui Meiveld 1 di maart, Johnson’s Supermarket 2 di maart, Cheng’s Supermarket 5 di maart, Rey Hing 7

di maart, Certified Supercenter 8 di maart, New Food Center 12 di maart, Bo Wah Supermarket 14 di maart y Morning Supermarket 15 di maart.



**Minister di Economia, Asuntonan Social y Cultura
y
Departamento di Cultura Aruba**

Cu onda pena ta anuncia fayecimento di un di nos baluartenan den skirbimento y corector di Papiamento

Sr. Otilio Reimundo ‘Titi’ Davelaar

Defensor y educador incansabel di nos Papiamento

Nos ta desea su yiunan y demas famia hopi forza

Cu Titi sosega na paz





TA BENDE:

APPARTEMENT COMPLEX

2 Piso, total 5 appt,
1 casita, Guyabastraat
899 m2/623 m2 build up,
Awg. 500,000.00
Jama: Ashna: 592-9966

Hair Studio
OFERTA DI LUNA
FACIAL ...AFL 55
BODY MASSAGE ...AFL 75
Oil Treatment - Free
MANICURE & PEDICURE ...AFL 50
Dakota Shopping Paradise - Avenida Milo Croes 51, Suite 16
Tels. 582 6051 / 594 4982

PERDE 10 KG PA LUNA

- Bo no por baja di peso?
- Bo ta dispuesto pa cambia bo bida ?
- Anto purba e tratamieto di Dr. Lampe
- Sin cirujia sin hanguja
- Baja 10 kg pa luna

GARANTISA

Stadionweg 16 • Tel:588-0084 • Fax:588-0083

Dreaming of a vacation?
Las Vegas Grand Tour
October 23-October 30 -2012

ALDO Travel Bureau Inc.
Tel: 582-1992

Included:
Delta Airlines-Hotel Circus Circus
Transport Airport Hotel v.v.-
Tour Grand Canyon
Show"KA" Cirque du Soleil

PINOCCHIO
Kerkstraat #16 - Tel: 582-2266

Nos ta huur Tent pa tur evento

Hopi Mas !!!
Kerkstraat 16 • Tel: 582-2266 • Cel: 564-1977

TUNE UP KIT/AUTO PARTS
OIL FILTER-AIR FILTER-FUEL FILTER
WATERPUMP-FUEL PUMP-PISTON RINGS
FULL GASKET SET-CYLINDER HEAD GASKET
OIL SEAL-CARBURATOR REPAIR KIT-SWITCHES
BELT-WIPER BLADE-HOSE-

BRAKE PADS-BRAKE SHOES-ELECTRIC FAN-ECT.

MOTOR OIL
SHELL
KENDALL
PENNZOIL
VALVOLINE

SPARK PLUGS
NGK - DENSO
AC DELCO

Simply THE BEST.

NANKANG TIRES UNLIMITED

AC DELCO BATTERIES

SPECIAL PRICE
205/40R17 215/40R17

UNLIMITED PARTS & ENTERPRISES N.V.
MORGENSTER # 12 - B TEL: 583 1001

Servicio pa Comunidad

Telefon di Emergencia

Number di emergencia	911
Polis	100
Brandweer	582-1108
Ambulance O'stad	582-1234
Ambulance S.N.	584-5050
Hospital	527-4000
Centro Medico	524- 8833

Botica na Warda

Pabou di Brug: Central N.V.
Pariba di Brug: Di Servicio Seroe Preto N.V.

Dokter na Warda

Pabou di Brug: dr. Gerrit Croes
Pariba di Brug: dr. Linden v/d

Otro Servicionan

Setar Info	118
Digicel Info	145
Setar	582-5151
Elmar	582-3700
WEB	525-4600
Serlimar	584-5080
Rode Kruis Aruba	582-2219
FADA	583-2999
AA/NA helpline	583-8989
Fund. Abuso Sexual	582-4433
Fundacion Guia'mi	587-1677
Fund. Muher	
den Dificultad	583-5400
Fund.Tel. Pa Hubentud	131
	588-6138
Accion Rescate	584-2718
Centro Kibrahacha	588-3131

Polis

Polis Tipline	11141
Oranjestad.	582-4000
San Nicolas	584-5000
Savaneta	584-7000
Santa Cruz	527-2900
Noord	587-0009
Strandpolitie	586-3003
Balashi	585-2500
Aeropuerto	524-2424
Aruba Transfer Tour & Taxi	
	583-2856
	582-2116
Best Taxi Services	588-3232
Coop. Ver. Tas	587-5900
ATS	583-5361
Arugas	585-1198
S.O.S. Teleayudo	583-1190

EDITA PA: The Media Group,
Margrietstraat 3, Oranjestad, Aruba,
tel.(297) 583-1400, fax. (297) 5831444,
E-mail: noticia@awemainta.com.

CUENTA DI BANCO: C.M.B. #229-
82600.

ABONEMENT Afl.25,00 pa luna.

ORA DI OFICINA: Dialuna pa Diabierna
8 a.m. - 5 p.m.

IMPRENTA: Imprenta Nacional Arubano.
DIRECTOR: Victor "Toko" Winklaar &
Victor R. Winklaar

REDACCION: noticia@awemainta.com.

BENTA DI AVISO:
sales@awemainta.com

Ricibi AweMainta tur dia den bo Inbox

Registra awo!
Manda bo e-mail na
noticia@awemainta.com

GRATIS

ROBAN
CONSTRUCTION MATERIALS 'N MORE
 Madiki 120 Schuins T/O CB Playa Pabao **Tel: 5882436**

Special:
 Loderiet USA 1x10m Fls139,-
 Plyform ¾ filmed - Cement - T1- 11 plywood 3/8 - PVC Lattice white
 - Joint compound - Insulation R-1 - Nails Concrete/Galv - Plastic
 Schrootjes
 Open: Mon-Fri 8am - 12pm 1.30 - 5.30pm Sat: 8am - 2pm

LEJUEZ HAIR ACCESSORIES & BEAUTY SALON
 Ta ofrece productionan di :
DREAMKIDS OLIVE MIRACLE
 - Hair Extension
 -Peluca
 -Ta duna servicio di kapsalon
 -school di Beyeza
 #1 Prinsenstraat 15, S.Nic. & #2 Adriaan Lacle Blvd 28
 Tel : 5845805 Tel: 5824947

DRAGON
CD & ELECTRONICS
 Mainstreet San Nicolas Tel. 584-3999
 open 9.00 - 13.00 and 14.30 - 18.30
 Sales, repair and accessories for all blackberry models and other cellualars



Blackberry 9860
Special Price



Samsung Galaxy X2
Special Price



Blackberry 8520
All 385.00

Sales, repair and accessories for all blackberry models and other cellualars.
 Unlock, reload, reset, upgrade, replace led, keypad, speaker etc.....
 Also repairs of iphone, Nintendo ds, playstation, Xbox 360, Wii etc...
 Dragon Cd & Electronics
 Mainstreet San Nicolas tel. 584-3999 open 9.00 - 13.00 and 14.30 - 18.30 hrs.

Haya sa kico a sosode asina cu bo subi awe24.com!

awe24.com

BO FUENTE DI SUCEOS!

PROBLEMA CU INSECTO?

Nos tey pa judabo.
 Jama nos.

KROZENDIJK Pest Management & Supplies N.V.
 Tanki Leendert 10-B, Unit 11
 Tel.: 588-0015 / 593-3307

AWEMainta
 noticia@awemainta.com
Tel: 583-1400
Fax: 583-1444

TIPO DI CAMBIO OFICIAL
 Valido pa 1 maart 2010

Placa Extranhero	Bank Papieren	Wisselen, Cheque Reis Cheque en Over Boeking en	Benta na Publico
US Dollar	1.77	1.78	1.80
CAN Dollar	1.66	1.68	1.70
Engelse Pond Sterling	2.64	2.69	2.75
Zwitserse Frank per CHF. 100	164.82	165.54	166.34
Ned.Ant. Gulden per ANG. 100	98.00	100.00 biljetten 100.20 chq./overboeking 100.00	
Japane yen per JPY. 10.000	198.07	199.87	201.88
Euro per XEU. 100	239.50	241.69	244.12

BANCO DI CARIBE

Provision di Devisa 1.3%
 Segun articulo 12 di Afkondigingsblad di Aruba 1991 nr.GT 32.
 Banco Central di Aruba ta defini e tipo di cambio oficial pa e cambianan di placa extranhero.

Aurora Funeral Home
 Cumana 76
 Oranjestad, Aruba
 Tel: 588-6699
 Fax: 588-6698
 Cel : 593-0857 / 560-1403

"Señor ta mi wardador, mi'n tin falta di nada
 Den cunucu di yerba berde e ta ponemi sosega.
 E ta hibami na awa trankil,
 Pa mi bolbe haña forsa".
 Salmo: 23

A fayece den Cristo nos Tata, Welo, Bisawelo, Suegro, Ruman, Sobrino y Omo stima

Efigenio van Der Biezen
 *21-Sep 1934 - †25 Feb 2012

Yuinan:
 Efigenio F. y Fatima van der Biezen.
 Marietta E. van der Biezen.
 Bianca S. y Akbar Ali.
 Martina E. van der Biezen.

Nietonan;
 Stefan van der Biezen, Ayshell van der Biezen, Chand Ali, Jamil van der Linden.

Bisanieto: Edwin van der Linden.

Rumannan:
 Ignacio y Annie van der Biezen y famia.
 Adelia Maduro y famia.
 Adelindo y Fransisca Van der Biezen y famia.
 Virginia y Fransisco Rasmijn y famia.
 Jose y Viditha Van der Biezen y famia.
 Jorge van Der Biezen y famia
 Beltran y Marriane van der Biezen y famia.
 Everardo y Ludwina van der Biezen y famia.
 Mario van der Biezen y famia.
 Edwina y Felix Boal y famia.
 Marina y Richard Wever y famia
 Juan van der Biezen .
 Simonia van der Biezen y famia.

Omo: Felix Henricus I famia.

Nos ta invita tur Swa y cunanan, sobrino y sobrinanan, comer y compernan, primo y primanan amigonan i conocirnan y grupo di Teachers United, Grupo Oracion Shalom y demas famia van der Biezen, Rodrigues do Vale, Ali, Van der linden, Benito, van der Berg, Boekhoudt, Maduro, Giel, Rasmijn, de Lima, Verbrugge, Kelly, Boal, Wever, Henricus, Donata, Jansen, Erasmus, Johnson. Nos ta pidi disculpa si den nos dolor y tristesa nos por a lubida un of otro famia.

Acto di entierro lo tuma lugar diasabra 3 di maart 2012 di 1.30 pa 3.30 di atardi na misa San Francisco na Playa despues saliendo pa Santana Catolico Pastoor Kraanwinkel na Paradera. E restonan mortal di Efigenio lo ta reposa for di 2'or di atardi den misa.

Adres pa condolencia: Aurora Funeral Home diabierna 2 di Maart, 2012 di 7 or pa 9 or di anochi.

Camana 76
 Oranjestad, Aruba
 Tel: 588-6699
 Fax: 588-6698
 Cel: 593-0857 / 560-1403



Gradisimento



"Mi ta halsa mi wowo na e seronan, di unda mi yudansa lo bin? Mi yudansa ta bin for di Senor creador di cielo y tera"

Pa medio di esaki nos kier gradici esnan cu di un of otro forma tabata cu nos na ora di fayecimento y entierro di nos yiu, ruman, tio, sobrino y amigo stima,



Biba cada momento

Gradicimento/Invitacion



Sra. Fransisca Ras
26 februari 1941 – 22 februari 2012

Nos kier a gradici di curason na tur familia, bisinanan y conocirnan cu di un of otro manera a duna un man durante di nos ruman/tanta su cuido pe pasenchi y dedicacion cu a tene cu su persona durante su enfermedad y pa cas di cuido Bethesa cu a cuidele durante ultimo lunanan y tambe Cas di Alegria na Cura Cabay cu den e promer instante a habri su portanan pa cuidele.

Danki na Olive Tree pa su servicio espectacular. Danki di curason nos ta gradici boso tur cu a asisti na e momentonan dificil aki y a sostene nos.

Alaves ta invita tur familia, bisinana y conocirnan pa asisti na e Santo Sacrificio di Misa dianan 3, 4 y 5 di Maart na Misa di Brazil pa 7or di anochi pa deskanso di nos ruman y tanta su alma.

Bernhardstraat 134-136 - San Nicolas Tel 584 8888
 theolivetreefuneralhome@gmail.com
 www.theolivetreefuneralhome.com

Futbol Division di Honor

Bubali R.E. Yrausquin & Sons/ Subway ta gana Riverplate 2-1

DIADOMINGO ultimo e Or-guyonan di Noord, SV Bubali a mira accion den nan prome wega di Segundo buelta. Un compromiso bastante importante mirando cu Bubali ta posiciona na di 7 posicion y den necesidad di un bon comienso pa por aspira pa ta den e prome cuatro nan. E orguyonan di Noord no ta desapunta nan fanaticada y inspira tras un gol di Tyron Maria y Mark Melrose,

e team di Bubali ta bin di atras pa gana SV Riverplate 2-1. Un resultado hopi importante cu ta pone cu Bubali ta pasa ocupa e di 5 luga empata cu Estrella cu 14 punto. Bubali no a hunga su wega di custumber di hopi toke, pero mas bien a mostra hopi cauteloso y tin bi-aha desorganisa, specialmente den e minuutnan inicial. Di otro banda Riverplate a Sali hunga un wega rapido y cu bon

combinacion. E muchanan di Madiki a crea basta incomodidad na e defensa di Bubali, pero e orguyonan di Noord a sa di sobrevivi e momentonan inicial aki. Bubali di otro banda a haya dos gran oportunidad pa medio de Sebastian Montoya y Dolfito Jacobs pero ambos ta faya den e toke final. Riverplate ta bay ariba na di 35 minuut ora cu un falta ta ser cometi na rand di area penal. Carlos Quandt ta cobra esaki magistralmente, lagando porter Jordani Tromp sin por a move. E alegria di Riverplate no ta dura mucho ya cu ni 5 minuut despues Bubali ta responde cu un bunita hugada individual di Tyron Maria cu ta kita e keeper for di su curpa y sin problema ta deposita e bala den gol pa empata e wega. Halt time ta bay aden empata na un gol pa banda. Den di dos tempo Bubali ta Sali un poco mas dicio-dido ta cuminsa toca e bala un poco mas y ta crea varios bon oportunidad di gol, pero atrobe ta faya na e momento crucial. Di otro banda Riverplate no por a mantene e ritmo di e prome tempo.

E desgaste fisico tawata grandi riba e muchanan di Madiki, y aki Bubali a cuminsa probecha di e espacionan habri. Riba un contra golpi caminda cu Raully Wiersma ta pone un pase na liña pa Mark Melrose, esaki ta uza su speed y ta bay laga su marca y ta dreña area penal y ta los un tiro na e prome palo, e bala ta rebota na e prome palo y despues lora bay na di dos palo y despues dreña gol. Un bunita gol cu a tene tur hende den suspenso te ora cu finalmente e la crusa e liña.

Despues di e gol aki Bubali ta tuma control di e wega y ta crea varios bon oportunidad, pero tanto Tyron Maria, Brian Wiersma y Sebastian Montoya no ta logra defini. Mucho peliger e team di Madiki no por a causa mas den e minuutnan final y wega ta termina cu e score di 2-1 na favor di Bubali.



Biba cada momento

Gradicimento/Invitacion



Pa medio di e nota aki, nos kier a gradici tur e personanan y personal di e instancianan cu na un manera of otro a duna nos nan apoyo y sosten cu mi mama, wela y nos ruman y tanta Sra. Maria Helena Ras-Angela. Danki eternamente di curazon. Nos no kier menciona number, pa nos lubida un number of otro. Boso mes sa ta ken boso ta. Danki especial ta bai na personal di Cas Maril, Wit Gele Kruis, Cas di Cuido y Alegria, na personal Eerste Hulp H.O.H 3de verdieping H.O.H, Yolanda Maduro, The Olive Tree Funeral Home, Max Hassel, na tur esnan cu nan yamadanan, email, carchi flor, telegram, boso presencia, atencion y sosten, aprecio. Duna na e ora dificil pa nos. Danki di curazon. Di parti di su yiu Aurea Janina Ras, nieto, Mark Lejeuz y demas famia. Alavez nos ta invita tur famia, bisina, amig(a)nan y conocirnan na tres Santo Sacrificio di misa cual lo tuma lugar: diahuebs 1 maart, diadomingo 4 maart y diarazon 7 maart 2012 (y despues na un rosario na N.C.C. 92) pa 7or di anochi na Misa Christo Rey na Brazil.

Bernhardstraat 134-136 - San Nicolas Tel 584 8888
 theolivetreefuneralhome@gmail.com
 www.theolivetreefuneralhome.com

Strakke Billen Club a bautisa uniform nobo na Manrique Capriles

CONHUNTAMENTE cu Neutrogena y Listerine, e grupo di ciclista di Aruba “Strakke Billen Club” (SBC) a haci posibel pa por tin nan propio uniform. Recientemente na Manrique Capriles a tuma lugar e bautismo. E grupo di ciclista cu hopi orguyo a celebra den compania di e team di Manrique Capriles cu t’e representa di Neutrogena y Listerine aki na Aruba. SBC ta un team nobo cu a lanta entre diferente ciclista cu e interes pa sigui eherce e deporte. Ciclismo ta un deporte hopi gusta na Aruba y awor cu e uniform nobo, e grupo di mas o menos 27 ciclista ta sigur cu nan

lo sigui engrandece y promove e deporte aki. Riba e uniform por mira e logo di e dos patrosinantenan di e uniform di SBC cu ta Neutrogena y Listerine. Neutrogena ta un marca conocir di diferente producto di cuida di cuero, specialmente productonan di proteccion solar. Esaki ta ideal p’e ciclistanan como cu awendia ta importante pa proteha bo mes contra e solo fuerte cu tin. Listerine ta un marca di diferente producto di cuida higienico oral. Manrique Capriles, represent-

ante di Neutrogena y Listerine aki na Aruba, ta hopi orguyoso di por presenta un team nobo

di ciclista na Aruba y ta desea nan tur clase di exito p’asina aki sigui promove y motiva e comu-

nidad di Aruba pa participa den e deporte di ciclismo. Pabien n’e team di SBC completo.



Magic Fm awe nochi ta presenta un tremendo “Magical Tribute” to Whitney Houston

AWE prome di Maart, Magic Fm lo presenta un homenahe special na e gran cantante Whitney Houston kende 2 siman pasa a fayece. Broadcasting Queen Erin Croes, hunto cu e team profesional di Magic Fm encabesa pa Reno Irausquin, a prepara un Top 40 di Whitney su miho temanan y alabes tambe lo bo scucha varios segmentonan unda lo conta poco di su inicio, su añanan di gloria, su amornan, su peliculanan, su adiccion na droga, su regreso y tambe su morto. Palabranan di esnan cu a conoce, cu a traha cune, hasta su propio palabranan den varios entrevista. Whitney Houston un artista cu a alcapara mundo cu su bos. Awe tardi ya caba for di 6or na Mc Café na Mc Donalds na Palm Beach e transmision special aki lo ta den aire atraves di Magic Fm. Prepara un ambiente cozy na bo cas y enjoy e programa special aki cu Magic Fm a prepara cu yen di profesionalismo. E programa special aki a ser prepara cu e debido respet na un artista di taya manera Whitney Houston. Den number di Cliffix Musical Instruments, Aruba Trading Company cu biñanan Sutter Homes y Mc Café nos ta invita bo.



Torneo pa determina e pre-seleccion di ping pong



Aruba Table Tennis Association ta sumamente orguyoso di e nivel cu e muchanan aki ta hungando y ta determina pa sigui eleva e nivel di nos muchanan. Un pabien grandi ta bay na tur cu ta forma parti di e pre-seleccion y tambe nan mayornan.

Awor e bataya ta sigui paso di e seis, solamente cuater ta haya e posibilidad di bay Cuba. Exitu.

DIASABRA ultimo a tuma luga e torneo determinante pa e hungadonan di ping pong di e categorianan bou di 15 aña, esta U-15, y tambe bou di 18 aña, U-18. Ta asina cu tur aña a Caribbean Table Tennis Federation ta organisa e “Caribbean Cadets and Juniors Championship” cual lo tuma luga na La Habana, Cuba e aña aki. Pa forma e pre-seleccion ATTA a organisa un torneo caminda e prome seis nan automaticamente ta forma parti di e pre-seleccion. Esaki a trece cu ne un presion inmenso pa e atletanan. E weganan di ambos categoria tabata di hopi bon nivel. Tabata tin hopi wega preta cu tabata caba 3-2, y tambe tabata tin hopi yoramento di e hungadonan hoben aki cu ta determina pa logra drenta e pre-seleccion.

Den e categoria di U-15 Maurice de Kort di 15 aña a keda na prome luga sin perde niun wega. Pero e di dos luga Allan

Croes y di tres luga Valentino Dirksz ambos di 11 aña di edad a duna un bon bataya. Na di cuater luga ganando 8 wega y perde 4 a keda den persona di Jean Pierre Helmeyer. Na di cinco y di seis luga a keda un empate entre Jean-Claude Hoek y Ethan de Lange kende ambos a gana 6 wega y perde 6. Mirando cu Jean-Claude a gana Ethan, Jean-Claude pues ta haya e puesto number cinco y Ethan number 6. Despues ta sigui respectivamente Donald Yarzagaray, Jovan Francis, Chak Ho, Cheng Ho, Zao Xie, Cheng Kee y Naidert Elizabeth.

Pa e categoria di U-18 e atleta Shawn Vlaun a sorprende tur hende y ta sali na prome luga despues di un empate pa e puesto aki cu Lifrendy Lampe. Pero pa motibo cu Shawn a gana Lifrendy cu un score preta di 3-2, Shawn ta keda na prome luga. Pa e di tres y cuater luga atrobe tabata tin un empate. E biaha aki entre Cendrick van

der Linde y Maurice de Kort kende ambos a gana 3 wega y perde 2. Aki Cendrick a sa di gana Maurice cu un score di 3-1 pues ta keda na di tres luga y Maurice na di cuater. Mester remarca cu Maurice

ta un hungado di U-15 kende semper a duna bon bataya den e categoria U-18. Riba e dia aki mes, Maurice a gana e number un Shawn cu un score di 3-0. Na di cinco luga a keda Micheal Kelly y di seis Jean-Pierre Gross.

